

御定全唐詩錄

土岐文庫  
文庫17  
W65  
26





010185189428

文庫 17  
W 65  
26



御定全唐詩錄卷第七十八

禮部侍郎臣徐倬翰林院侍讀學士臣徐元正奉

旨校刊

溫庭筠

庭筠并州祁人貞觀宰相彥博後本名岐字飛卿少敏悟工為辭章與李商隱齊名號溫李大中中應舉京師佻蕩不修檢幅多作側辭艷曲與貴胄蒲飲狎昵又舉場多為人假手執政惡之貶授方山尉徐商鎮襄陽署為巡官  
時與段成式周繇韋蟾弟庭皓同在幕府多倡和之什  
咸通中失意歸江東令狐絢方鎮淮南庭筠怨居中時不為助力過府不肯謁與少年狂遊乞索揚

溫庭筠

昭和六十年二月一日贈  
土岐善吉唐氏寄

子院夜醉為邏卒毆傷訴於絢絢不為理庭筠與絢子高遊素出絢之門宣宗愛唱菩薩蠻詞絢嘗假庭筠撰密進之戒令勿他泄而遽言於人由是疎之又訊絢無學每云中書堂內坐將軍失歡或以此聞京師庭筠徧見公卿雪冤屬徐商知政事頗右之白用為國子助教會商罷相見廢卒庭筠著述頗多為詩韵格清拔文士稱之

北夢瑣言云庭筠才思艷麗工為小賦每入試押官韵作賦凡八叉手而入韵成常為隣鋪作文號曰救數人沈侍郎知舉因別施鋪席授庭筠不令與諸人鄰比宣宗好微行遇溫於逆旅溫不識傲然詰之曰公非司馬長史之流耶又曰得非六參簿尉之類帝曰非也後坐謫其制詞曰徒負不羈

古之才罕有適時之用云云

全唐詩話云庭筠善於屬對李義山嘗謂之曰近得聯句云遠比趙公三十六年宰輔未得偶句曰何不云近同郭令二十四考中書宣宗嘗賦詩上句有金步搖未能對遣求進士對之庭筠以玉條脫對帝賞焉又藥名有白頭翁以蒼耳子為對初會昌毀寺時分遣御史檢天下所廢寺及收錄金銀佛像有蘇監察者巡檢兩街諸寺見銀佛一尺已下者多袖之而歸人謂之蘇捏佛或問庭筠將何對遽曰無以過蜜陀僧也他多類此

唐詩紀事云令狐絢曾以舊事訪於庭筠對曰事

出南華非僻書也或冀相公燮理之暇時宜覽古  
絢益怒奏庭筠有才無行卒不得第庭筠有詩曰  
因知此恨人多積悔讀南華第二篇

彦周詩話云段成式與溫庭筠雲藍紙詩序曰予  
在九江出意造雲藍紙輒分送五十枚其詩曰三

十六鱗充使時數番猶得表相思

唐詩紀事下有待將袍  
襖重鈔了盡寫襄陽描

諾詞蓋龍八十一鱗鯉三十六鱗也

桐薪云溫貌甚陋號鍾馗不稱才名最善鼓琴吹  
笛云有絲即彈有孔即吹不必柯亭爨桐著乾牒  
子今其書不傳

古體詩

俠客行

欲出鴻都門陰雲蔽城闕寶劍黯如水微紅溼餘血白  
馬夜頻嘶三更灞陵雪

江南曲

妾家白蘋浦日上芙蓉檝軋軋搖槳聲移舟入菱葉谿  
長菱葉淡作底難相尋辟即郎不見灘鷺自浮沈拾萍  
萍無根采蓮蓮有子不作浮萍生寧為蕩花死岸傍騎  
馬郎烏帽紫游韁含愁復含笑回首問橫塘妾住金陵  
浦門前朱雀航流蘇持作帳芙蓉持作梁出入金犢幃  
兄弟侍中郎前年學歌舞定得郎相許連娟睂繞山依  
約腰如杵鳳管悲若咽鸞弦嬌欲語扇薄露紅鉛羅輕

壓金縷明月西南樓珠簾玳瑁鉤橫波巧能笑彎蛾不  
識愁花開子雷樹草長根依土早聞金溝遠底事歸郎  
許不學楊白花朝朝淚如雨

故城曲

漠漠沙隄煙隄西雉子斑雉聲何角角麥秀桑陰閑游  
絲蕩平綠明滅時相續白馬金絡頭東風故城曲故城  
殷貴嬪曾占未來春自從香骨化飛作馬蹄塵

西洲詞 吳聲

悠悠復悠悠昨日下西洲西洲風色好遙見武昌樓武  
昌何鬱鬱儂家定無匹小婦被流黃登樓撫瑤瑟朱絃  
繁復輕素手直淒清一彈三四解掩抑似含情南樓登

且望西江廣復平艇子搖兩槳催過石頭城門前烏白  
樹慘澹天將曙鷓鴣飛復還郎隨早帆去迴頭語同伴  
定復負情儂去帆不安幅作底使西風他日相尋索莫  
作西洲客西洲人不歸春草年年碧

燒歌

起來望南山山火燒山田微紅夕如滅短燄復相連差  
差向巖石冉冉凌青壁低隨回風盡遠照檐茅赤鄰翁  
能楚言倚鐻欲潛然自言楚越俗燒畝作早田豆苗蟲  
促促籬上花當屋廢棧豕歸闌廣場雞啄粟新年春雨  
晴處處賽神聲持錢就人卜敲瓦隔林鳴卜得山上卦  
歸來桑棗下吹火向白茅腰鎌映蘋蔗風驅榭葉煙榭

樹連平山迸星拂霞外飛燼落階前仰面呻復嚏雅孃  
咒豐歲誰知蒼翠容盡作官家稅

嘲春風

春風何處好別殿饒芳草萼轉鸞旂蕨蕤吹雉葆揚  
芳歷九門澹蕩入蘭蓀爭奈白團扇時時偷主恩

碌碌古詞

左亦不碌碌右亦不碌碌野草自根肥羸牛生健犢融  
蠟作杏蒂男兒不戀家春風破紅意女頰如桃花忠言  
未見信巧語翻咨嗟一鞘無兩刃徒勞油髀車

和沈參軍招友生觀芙蓉池

桂棟坐清曉瑤琴商鳳絲况聞楚澤香適與秋風期遂

從棹萍客靜嘯烟草滑倒影回澹蕩愁紅媚漣漪湘莖  
久鮮澀宿雨增離披而我江海客楚游勤夢思北渚水  
雲葉南塘烟露枝豈無臺榭芳獨與鷗鳥知珠墜魚迸  
淺影多鳧泛遲落英不可搴返照昏澄陂

秋日

爽氣變昏旦神皋徧原隰烟華久蕩搖石澗仍清急柳  
闇山犬吠蒲流水禽立菊花明欲迷棗葉光如濕天籟  
思林嶺車塵倦都邑譎張夙所違悔恡何由入芳草秋  
可藉幽泉曉堪汲牧羊燒外鳴林果雨中拾復此遂閒  
曠翛然脫羈繫田收鳥雀喧氣肅龍蛇蟄佳節足豐穰  
良朋阻遊集沈機日寂寥葆素常呼吸投迹倦攸徃放

懷志所執良時有東菑吾將事蓑笠

酬友人

辭榮亦素尚倦遊非夙心寧復思金籍獨此臥烟林閒  
雲無定貌佳樹有餘陰坐久芰荷發釣闌芟葦深游魚  
自搖漾浴鳥故浮沈唯君清露夕一爲灑煩襟

黃曇子歌

參差綠蒲短搖艷雲塘滿紅激蕩融融鷺翁灘鷺暖萋  
芊小成路馬上修蛾懶羅衫裊向風點粉金鸚卵

鴻臚寺有開元中錫宴堂樓臺池沼雅爲勝絕荒

涼遺趾僅有存者偶成四十韻

明皇昔御極神聖垂耿光沈機發雷電逸躅陵堯湯西

覃積石山北至窮髮鄉四凶有獬廌一臂無螳螂嬋娟  
得神艷郁烈聞國香紫條鳴羯鼓玉管吹霓裳祿山未  
封侯林甫才爲郎昭融廓日月妥貼安紀綱羣生到壽  
域百辟趨明堂四海正夸宴一塵不飛揚天子自遊豫  
侍臣宜樂康軋然閭闔開赤日生扶桑玉砌露盤紆金  
壺漏丁當劔佩相擊觸左右隨趨鏘元珠十二旒紅粉  
三千行盼睐生羽翼叱嗟回雪霜神霞凌雲閣春水驪  
山陽盤鬪九子糗甌擎五雲漿雙瓊京兆博七鼓邯鄲  
倡毳毼碧鷄鬪龍葱翠雉揚仗官繡蔽膝寶馬金鏤錫  
椒塗隔鸚鵡柘彈驚鴛鴦倚歟華國臣鬢髮俱蒼蒼錫  
宴得佳致車從真煒煌畫鷁照魚鼈鳴騶亂鷺鷁颯濫



蕩碧波炫煌迷橫塘縈盈舞回雪宛轉歌遠梁豔帶畫  
銀絡寶梳金鈿筐沈冥類漢相醉倒疑楚狂一旦紫微  
東旄星森耀芒憑陵逐鯨鯢唐突驅豺狼縱火三月赤  
戰塵千里黃殺函與府寺從此俱荒涼茲地乃蔓草故  
基摧壞牆枯池接斷岸唧唧啼寒蟬敗荷塌作泥死竹  
森如槍遊人問老吏相對聊感傷豈必見麋鹿然後堪  
回腸幸今遇太平令節稱羽觴誰知曲江鶻歲歲棲鸞  
皇

寒食節日寄楚望

芳蘭無意綠弱柳何窮縷心斷入淮山夢長穿楚雨絲  
花如二八好月當三五愁碧竟平泉韶紅換幽圃流鶯

隱員樹乳燕喧餘哺曠望戀曾臺離憂集環堵當年不  
自遣晚得終何補鄭谷有樵蘇歸來要腰斧  
家乏兩千萬時當一百五颺颺楊柳風穰穰櫻桃雨年  
芳苦沈潦心事如摧櫓金犢近蘭汀銅龍接花塢青蔥  
建楊宅隱麟端門鼓綵素拂庭柯輕毬落鄰圃三春謝  
游衍一笑牽規矩獨有恩澤侯歸來看楚舞

雞鳴埭歌

南朝天子射雉時銀河耿耿星參差銅壺漏斷夢初覺  
寶馬塵高人未知魚躍蓮東蕩宮沼濛濛御柳懸棲鳥  
紅妝萬戶鏡中春碧樹一聲天下曉盤踞勢窮三百年  
朱方殺氣成愁烟彗星拂地浪連海戰鼓渡江塵漲天

繡龍畫雉填宮井野火風驅燒九鼎殿巢江燕砌生蒿  
十二金人霜炯炯芊綿平綠臺城基暖色春空荒古陂  
寧知玉樹後庭曲留待野棠如雪枝

織錦詞

丁東細漏侵瓊瑟影轉高梧月初出簇簇金梭萬縷紅  
鴛鴦豔錦初成匹錦中百結皆同心榮亂雲盤相間淡  
此意欲傳傳不得玫瑰作柱朱弦琴爲君裁破合歡被  
星斗迢迢共千里象齒熏鑪未覺秋碧池已有新蓮子

夜宴謠

長釵墜髮雙蜻蜓碧盡山斜開畫屏虬須公子五侯客  
一飲千鍾如建瓴鸞咽妖唱圓無節睂歛湘烟袖回雪

清夜恩情四座同莫令溝水東西別亭亭蠟淚香珠殘  
暗露曉風羅幕寒飄飄戟帶儼相次二十四枝龍畫竿  
裂管縈弦共繁曲芳尊細浪傾春醪高樓客散杏花多  
脈脈新蟾如瞪目

蓮浦謠

鳴橈軋軋溶溶廢綠平烟吳苑東水清蓮媚兩相向  
鏡裏見愁愁更紅白馬金鞭大隄上西江日夕多風浪  
荷心有露似驪珠不是真圓亦搖蕩

東郊行

鬪雞臺下東西道柳覆斑駁蝶縈草塊靄韶容鎖澹愁  
青筐葉盡蠶應老綠渚幽香生白蘋差差小浪吹魚鱗

王孫騎馬有歸意林彩著空如細塵安得人生各相守  
燒船破棧休馳走世上方應無別離路傷更長千枝柳

塞寒行

燕弓弦勁霜封瓦樸簌寒雕睇平野一點黃塵起鴈喧  
白龍堆下千蹄馬河源怒觸風如刀剪斷朔雲天更高  
晚出榆關逐征北驚沙飛迸衝貂袍心許凌烟名不滅  
年年錦字傷離別彩毫一畫竟何榮空使青樓淚成血

謝公墅歌

朱雀航南繞香陌謝郎東墅連春碧鳩眠高柳日方融  
綺榭飄飄紫庭客文楸方罨花參差心陳未成星滿池  
四座無喧梧竹靜金蟬玉柄俱持願對局含嘖見千里

都城已得長蛇尾江南王氣繫疎襟未許苻堅過淮水

郭處士擊甌歌

佶粟金蚪石潭古勺陂澌澀幽修語湘君寶馬上神雲  
碎佩叢鈴滿烟雨吾聞三十六宮花離離軟風吹春星  
斗稀玉晨冷磬破昏夢天露未乾香著衣蘭釵委墜垂  
雲髮小響丁當逐迴雪晴碧煙滋重疊山羅屏半掩桃  
花月太平天子駐雲車龍鑪勃鬱雙蟠拏宮中近臣抱  
扇立侍女低鬟落翠花亂珠觸續正跳蕩傾頭不覺金  
烏斜我亦爲君長歎息緘情遠寄愁無色莫霑香夢綠  
楊絲千里春風正無力

醉歌

檐柳初黃燕初乳曉碧芊絲過微雨樹色淡含臺榭情  
鶯聲巧作煙花主錦袍公子陳杯觴撥醅百甕春酒香  
入門下馬問誰在降階握手登華堂臨邛美人連山眉  
低抱琵琶含怨思朔風繞指我先笑明月入懷君自知  
勸君莫惜金尊酒年少須臾如覆手辛勤到老慕簞瓢  
於我悠悠竟何有洛陽盧仝稱文房妻子脚秃春黃糧  
阿耨光頭不識字指揮豪儁如驅羊天犀壓斷朱鼯鼠  
瑞錦驚飛金鳳皇其餘豈足露牙齒欲用何能報天子  
駑馬垂頭捨冥塵驂騑一日行千里但有沈冥醉客家  
支頤瞪目持流霞唯恐南園風雨作碧蕪狼藉棠梨花

懊惱曲

蕩絲作線難勝鍼染粉染黃那得淡玉白蘭芳不相顧  
青樓一笑輕千金莫言自古皆如此健劍荆鐘鉛繞指  
三秋庭綠盡迎霜唯有荷花守紅死廬江小吏朱斑輪  
桺縷吐牙香玉春兩股金釵已相許不令獨作空成塵  
悠悠楚水流如馬恨紫愁紅滿平野野土千年怨不平  
至今燒作鴛鴦瓦

春曉曲

家臨長信往來道乳燕雙雙拂烟草油壁車輕金犢肥  
流蘇帳曉春雞早籠中嬌鳥暖猶睡簾外落花閒不掃  
衰桃一樹近前池似惜紅顏鏡中老

春愁曲

紅絲穿露珠簾冷百尺啞啞下纖綆遠翠愁山入卧屏  
兩重雲母空烘影涼簪墜髮春眠重玉兔熅香柳如夢  
錦疊空床委墜紅颺颺尾雙金鳳蠶喧蝶駐俱悠揚  
柳拂赤闌纖草長覺後梨花委半綠春風和雨吹池塘

晚歸曲

格格水禽飛帶波孤光斜起夕陽多湖西山淺似相笑  
菱刺惹衣攢黛蛾青絲繫船向江木蘭芽出土吳江曲  
水極晴搖泛濫紅草平春染烟綿綠玉鞭騎馬白玉兒  
刻金作鳳光參差丁丁暖漏滴花影催入景陽人不知  
彎隄弱柳遙相矚雀扇員員掩香玉蓮塘艇子歸不歸  
柳暗桑穠聞布穀

張靜婉採蓮曲

并序

靜婉羊侶伎也其容絕世侶自爲採蓮二曲今  
樂府所存失其故意因歌以俟采詩者事具載

梁史

蘭膏墜髮紅玉春燕釵拖頸拋盤雲城西楊柳向橋晚  
門前溝水波粼粼麒麟公子朝天客珂馬璫璫度春陌  
掌中無力舞衣輕剪斷鮫綃破春碧抱月飄烟一尺腰  
麝臍龍髓憐嬌饒秋羅拂水碎光連露重花多香不銷  
灘鷺交交塘水滿綠萍金粟蓮莖短一夜西風送雨來  
粉痕零落愁紅淺船頭折蕩絲暗牽藕根蓮子相畱連  
郎心似月月易缺五十六清光員

錦城曲

蜀山攢黛留晴雪，簾筍蕨牙縈九折。江風吹巧翦霞綃，  
花上千枝杜鵑血。杜鵑飛入巖下叢，夜叫思歸山月中。  
巴水漾情情不盡，文君織得春機紅。怨魄未歸芳草死，  
江頭學種相思子。樹成寄與望鄉人，白帝荒城五千里。

錢唐曲

錢唐岸上春如織，淼淼寒潮帶晴色。淮南遊客馬連嘶，  
碧草迷人歸不得。風飄客意如吹烟，纖指殷勤傷雁弦。  
一曲堂堂紅燭筵，金鯨瀉酒如飛泉。

舞衣曲

蕩腸纖縷抽輕春，烟機漠漠嬌蛾頰。金梭浙瀝透空薄，

翦落交刀吹斷雲。張家公子夜聞雨，夜向蘭堂思楚舞。  
蟬衫麟帶壓愁香，偷得鸞簧鎖金縷。管含蘭氣嬌語悲，  
胡槽雪腕鴛鴦絲。芙蓉力弱應難定，楊柳風多不自持。  
回嚬笑語西窗客，星斗寥寥波脈脈。不逐秦王卷象牀，  
滿樓明月梨花白。

曉僊謠

玉妃喚月歸海宮，月色澹白涵春空。銀河欲轉星靨靨，  
碧浪疊山埋早紅。宮花有露如新淚，小苑叢叢入寒翠。  
綺閣空傳唱漏聲，網軒未辨凌雲字。遥遥珠帳連湘烟，  
鶴扇如霜金骨仙。碧簫曲盡彩霞動，下視九州皆悄然。  
秦王女騎紅尾鳳，乘空回首晨雞弄。霧蓋狂塵億兆家，

世人猶作牽情夢

昆明池水戰詞

汪汪積水光連空重疊細紋交激紅赤帝龍孫鮮甲怒  
臨流一眄生陰風鼉鼓三聲報天子雕旗獸艦凌波起  
雷吼濤驚白若山石鯨眼裂蟠蛟死滇池海浦俱喧逐  
青翰畫鷁相次來箭羽槍纓三百萬蹋翻西海生塵埃  
茂陵仙去菱花老喑喑游魚近烟島渺莽殘陽釣艇歸  
綠頭江鴨眠沙草

湖陰詞 并序

王敦舉兵至湖陰明帝微行視其行伍由是樂  
府有湖陰曲而亡其詞因作而附之

祖龍黃鬚珊瑚鞭鐵驄金面青連錢虎髯拔劍欲成夢  
日壓賊營如血鮮海旗風急驚眠起甲重光搖照湖水  
蒼皇追騎塵外歸森索妖星陳前死五陵愁碧春萋萋  
灞川玉馬空中嘶羽書如電入青瑣雪腕如槌催畫鞞  
白蚪天子金鎧鉞高臨帝座回龍章吳波不動楚山晚  
花壓闌干春晝長

春江花月夜詞

玉樹歌闌海雲黑花庭忽作青蕪國秦淮有水水無情  
還向金陵漾春色楊家二世安九重不御華芝嫌六龍  
百幅錦帆風力滿連天展盡金芙蓉珠翠丁星復明滅  
龍頭劈浪哀笳發千里涵空照水魂萬枝破鼻團香雪

漏轉霞高滄海西  
玻璃枕上聞天雞  
蠻弦代雁曲如語  
一醉昏昏天下迷  
四方傾動烟塵起  
猶在濃香夢魂裏  
後主荒宮有曉鶯  
飛來只隔西江水

生祺屏風歌

玉墀暗接崑崙井  
井上無人金索冷  
畫壁陰森九子堂  
階前碎月鋪花影  
繡屏銀鴨香  
菊濛天上夢歸花  
繞叢宜男漫作後庭草  
不似櫻桃千子紅

感策歌

蠟煙如燾新蟾滿  
門外沙平草牙短  
黑頭丞相九天歸  
夜聽飛瓊吹朔管  
情遠氣調蘭蕙熏  
天香瑞彩含網緼  
皓然纖指都揭血  
日暝碧霄無片雲  
含商咀徵雙幽咽

輓穀疎羅共蕭屑  
不盡長員曼翠愁  
柳風吹破澄潭月  
鳴梭浙瀝金絲縈  
恨語殷勤隴頭水  
漢將營前萬里沙  
更深一一霜鴻起  
十二樓前花正繁  
交枝簇蒂連壁門  
景陽宮女正愁絕  
莫使此聲催斷魂

照影曲

景陽妝罷瓊窗暝  
欲照澄明香步嬾  
橋上衣多抱彩雲  
金鮮不動春塘滿  
黃印額山輕為塵  
翠鱗紅稗俱含嘖  
桃花百媚如欲語  
曾為無雙今兩身

吳苑行

錦雉雙飛梅結子  
平春遠綠窗中起  
吳江澹畫水連空  
三尺屏風隔千里  
小苑有門紅扇開  
天絲舞蝶俱衰回



綺戶雕楹長若此韶光歲歲如歸來

常林歡歌

宜城酒熟花覆橋沙晴綠鴨鳴咬咬穠桑繞舍麥如尾  
幽軋鳴機雙燕巢馬聲特特荆門道蠻水揚光色如草  
錦薦金鑪夢正長東家哢喔雞鳴早

蔣侯神歌

楚神鐵馬金鳴珂夜動蛟潭生素波商風刮水報西帝  
廟前古樹蟠白蛇吳王赤斧斫雲陳畫堂列戟叢霜刃  
巫娥傳意託悲絲鐸語琅琅理雙鬢湘烟刷翠湘山斜  
東方日出飛神雅青雲自有黑龍子潘妃莫結丁香花

漢皇迎春詞

春草芊芊晴埽煙宮城大錦紅殷鮮海日初融照僊掌  
淮王小隊纓鈴響獵獵東風燄赤旗畫神金甲蔥龍網  
鉅公步輦迎句芒復道埽塵鸞彗長豹尾竿前趙飛燕  
柳風吹盡睂眉間黃碧草含情杏花喜上林鶯轉游絲起  
寶馬搖環萬騎歸恩光暗入簾櫳裏

蘭塘詞

塘水汪汪鳧唼喋憶上江南木蘭檝繡領金須蕩倒光  
團團皺綠雞頭葉露凝荷卷珠淨員紫菱刺短浮根纏  
小姑歸晚紅妝淺鏡裏芙蓉照水鮮東溝濶濶勞回首  
欲寄一椀瓊液酒知道無郎却有情長教月照相思柳

春洲曲

韶光染色如蛾翠綠濕紅鮮水容媚蘇小慵多蘭渚閒  
融融浦日鷓鴣寐紫騮蹀躞金銜嘶岸上揚鞭煙草迷  
門外平橋連柳隄歸來晚樹黃鸝啼

湘東宴曲

湘東夜宴金貂人楚女含情嬌翠嚔玉管將吹插鈿帶  
錦囊斜拂雙麒麟重城漏斷孤帆去唯恐瓊籤報天曙  
萬戶沈沈碧樹員雲飛雨散知何處欲上香車俱脈脈  
清歌響斷銀屏隔隄外紅塵蠟炬歸樓前澹月連江白

春野行

草淺淺春如翦花壓李孃愁飢蠶欲成繭東城少年氣  
堂堂金丸驚起雙鴛鴦含羞更問衛公子月到枕前春

夢長

罩魚歌

朝罩罩城東暮罩罩城西兩槳鳴幽幽蓮子相高低持  
罩入深水金鱗大如手魚尾迸員波千珠落湘蕩風颺  
颺雨離離菱芡刺灘鷺飛水連網眼白如景浙瀝篷聲  
寒點微楚岸有花花蓋屋金塘柳色前谿曲悠悠杳若  
去無窮五色澄潭鴨頭綠

蘇小小歌

買蓮莫破券買酒莫解金酒裏春容抱離恨水中蓮子  
懷芳心吳宮女兒腰似束家在錢唐小江曲一自檀郎  
逐便風門前春水年年綠

御定全唐詩錄卷第七十八

Blank space for text in the right-hand page.

御定全唐詩錄卷第七十九

禮部侍郎臣徐倬翰林院侍讀學士臣徐元正奉

旨校刊

溫庭筠二

近體詩

握柘詞

楊柳縈橋綠玫瑰拂地紅繡衫金駉裏花髻玉瓏璫宿  
雨香潛潤春流水暗通畫樓初夢斷晴日照湘風

送洛南李主簿

想君秦塞外因見遠山青榭葉曉迷路枳花春滿庭祿  
優仍侍膳官散得專經余亦還愚谷歸心在翠屏

溫庭筠

全唐詩錄卷第七十九

溫庭筠

春日野行

騎馬蹋煙莎青春奈怨何蝶翎朝粉盡鴉背夕陽多柳  
豔欺芳帶山愁縈翠蛾別情無處說方寸是星河

早秋山居

山近覺寒早草堂霜氣晴樹彫窗有日池滿水無聲果  
落見猿過葉乾聞鹿行素琴機慮靜空伴夜泉清

送人南遊

送君遊楚國江浦樹蒼然沙淨有波迹岸平多草烟角  
悲臨海郡月到渡淮船唯以一杯酒相思隔楚天

贈鄭處士

飄然隨釣艇雲水是天涯紅葉下荒井碧梧侵古槎醉

收陶令菊貧賣邵平瓜更有相期處南籬一樹花

江岸卽事

水容侵古岸峰影度青蘋廟竹唯聞鳥江帆不見人雀  
聲花外暝客思柳邊春別恨轉難盡年年汀草新

中書令裴公輓歌詞

王儉風華首蕭何社稷臣丹陽布衣客蓮渚白頭人銘  
勒燕山暮碑沈漢水春從今虛醉飽無復污車茵  
箭下妖星落風前殺氣回國香荀令去樓月庾公來玉  
璽終無慮金滕竟不開空嗟薦賢路芳草滿燕臺

太子西池

梨花雪壓枝鶯轉柳如絲嬾逐妝成曉春融夢覺遲鬢

輕全作影嚙淺未成睂莫信張公子窗間斷暗期  
花紅蘭紫莖愁草雨新晴柳占三春色鷺偷百鳥聲日  
長嫌輦重風暖覺衣輕薄暮香塵起長楊落照明

偶題

孔雀眠高閣櫻桃拂短檐畫明金冉冉箏語玉纖纖細  
雨無妨燭輕寒不隔簾欲將紅錦段因夢寄江淹

贈越僧岳雲

世機消已盡巾履亦飄然一室故山月滿餅秋澗泉禪  
菴過微雪鄉寺隔寒烟應共白蓮客相期松桂前  
蘭亭舊都講今日意如何有樹關深院無塵到淺莎僧  
居隨處好人事出門多不及新春雁年年鏡水波

商山早行

晨起動征鐸客行悲故鄉雞聲茅店月人迹板橋霜  
葉落山路枳花明驛牆因思杜陵夢鳧雁滿回塘

題竹谷神祠

蒼蒼松色晚一徑入荒祠古樹風吹馬虛廊日照旗  
煙煤朝奠處風雨夜歸時寂寞湘江客空看蔣帝碑

題陳處士幽居

松軒塵外客高竹自蕭疎雨後苔侵井霜來葉滿渠  
閒看鏡湖畫時得越僧書若待前谿月誰人伴釣魚

處士盧岵山居

西谿問樵客遙識主人家古樹老連石急泉清露沙千

峰隨雨暗一徑入雲斜日暮鳥飛散滿山蕎麥花

初秋寄友人

閒夢正悠悠涼風生竹樓夜琴知欲雨曉簟覺新秋獨  
鳥楚山遠一蟬關樹愁憑將離別恨江水問同遊

宿白蓋峰寺寄僧

山房霜氣晴一宿遂平生閣上見林影月中聞澗聲佛  
燈銷永夜僧磬徹寒更不學何居士焚香爲宦情

盧氏池上遇雨贈同游

簾翻涼氣集谿上潤殘棊萍皺風來後荷喧雨到時寂  
寥閒望久飄洒獨歸遲無限松江恨煩君解釣絲

宿一公精舍

夜闌黃葉寺鉗錫兩俱能松下石橋路雨中山殿燈茶  
爐天姥客棊席剡溪僧還笑長門賦高秋卧茂陵

敷水小桃盛開因作

敷水小橋東娟娟照露叢所嗟非勝地堪恨是春風二  
月艷陽節一枝惆悵紅定知畱不住吹落路塵中

題造微禪師院

夜香聞偈後岑寂掩雙扉照竹鐙和雪看松月到衣草  
堂疎磬斷江寺故人稀惟憶江南雨春風獨鳥歸

登盧氏臺

勝地當通邑前山有故居臺高秋盡出林斷野無餘白  
露鳴蛩急晴天度雁疎由來放懷地非獨在吾廬

題蕭山廟

故道木陰濃荒祠山影東杉松一庭雨幡蓋滿堂風客  
奠晚沙濕馬嘶春廟空夜深雷電歇龍入古潭中

送淮陰孫令之官

隋隄楊柳煙孤擢正悠然蕭寺通淮戍蕪城枕楚田魚  
鹽橋上市燈火雨中船故老青葭岸先知宓子賢

早春漣水送友人

青門煙野外渡漣送行人鴨卧溪沙暖鳩鳴社樹春殘  
波青有石幽草綠無塵楊柳東風裏相看淚滿巾

送僧東遊

師歸舊山去此別已悽然燈影秋江寺篷聲夜雨船鷗

飛吳市外麟卧晉陵前若到東林社誰人更問禪

細雨

憑軒望秋雨涼入暑衣清極目烏頻没片時雲復輕沼  
萍開更斂山葉動還鳴楚客秋江上蕭蕭故國情

感舊陳情五十韻獻淮南李僕射

嵇紹垂髫日山濤筮仕年琴尊陳座上紈綺拜牀前鄰  
里纔三徙雲霄已九遷感深情懍懍言發淚潏潏憶昔  
龍圖盛方今雀羽全桂枝香可襲楊葉舊頻穿玉籍標  
人瑞金丹化地僊賦成攢筆寫歌出滿城傳既矯排虛  
翅將持造物權萬靈思鼓鑄羣品待陶甄視草絲綸出  
持網雨露縣法行黃道內居近翠華邊書迹臨湯鼎吟

聲接舜絃白麻紅燭夜清漏紫微天雷電隨神筆魚龍  
落彩牋閒宵陪雍時清暑在甘泉耿介非持祿優游是  
養賢冰清臨百粵風靡化三川委寄崇推轂威儀壓控  
弦梁園提殼騎淮水換戎旃照日青油濕迎風錦帳鮮  
黛娥陳二八珠履列三千舞轉回紅袖歌愁斂翠鈿滿  
堂開照耀分座儼嬋娟油額芙蓉帳香塵玳瑁筵繡旗  
隨影合金陳似波旋緹幕滾回互朱門暗接連彩蚪蟠  
畫戟花馬立金鞭有客將誰託無媒竊自憐抑揚中散  
曲漂泊孝廉船未展干時策徒拋負郭田轉蓬猶邈爾  
懷橘更潛然投足垂蹊徑冥心向簡編未知魚躍地空  
媿鹿鳴篇稷下期方至漳濱病未痊定非籠外鳥真是

殼中蟬蕙徑鄰幽澹荆扉興靜優草堂苔點點蔬圃水  
濺濺釣罷谿雲重樵歸澗月圓嬾多成宿疾愁甚似春  
眠木直終難怨膏明只自煎鄭鄉空健羨陳榻未招延  
旅食逢春盡羈游爲事牽宦無毛義檄婚乏阮修錢冉  
弱營中柳披敷幕下蓮儻能容委質非敢望差肩澀劒  
猶堪淬餘朱或可研從師當鼓篋窮理久忘筌折簡能  
榮瘁遺簪莫棄捐韶光如見借寒谷變風烟

洞戶二十二韻

洞戶連珠網方疏隱碧潯燭盤煙墜燼簾壓月通陰粉  
白僊郎署霜清玉女礎醉鄉高窈窕棊陳靜愔愔素手  
琉璃扇元髻玳瑁簪昔邪看寄迹梔子詠同心樹列千



秋勝樓懸七夕鉞舊詞翻白紵新賦換黃金  
唳雀調蠻鼓驚蟬應寶琴舞疑繁易度歌轉斷難尋  
露委花相妬風欹柳不禁橋彎雙表迥池漲一篙淡  
清蹕傳恢囿黃旗幸上林神鷹參翰苑天馬破蹄涔  
武庫方題品文園有好音朱莖殊菌蠢丹桂欲蕭森  
黼帳回瑤席華鐙對錦衾畫圖驚走獸書帖得來禽  
河曙秦樓映山晴魏闕臨綠囊逢趙后青瑣見王沈  
任達嫌孤憤疎慵倦九箴若爲南遁客猶作卧龍吟

過華清宮二十二韻

憶昔開元日承平事勝遊貴妃專寵幸天子富春秋  
月白霓裳殿風乾羯鼓樓鬪鷄花蔽邾騎馬玉搔頭  
繡轂

千門伎金鞍萬戶侯薄雲欺雀扇輕雪犯貂裘過客聞  
韶濩居人識冕旒氣和春不覺烟暖霽難收澀浪和瓊  
鬢晴陽上彩旂卷衣輕鬢窺鏡澹蛾羞屏掩芙蓉帳  
簾褰玳瑁鉤重瞳分渭曲纖手指神州御案迷萱草天  
袍妒石榴淡巖藏浴鳳鮮隰媚潛虯不料邯鄲蝨俄成  
即墨牛劔鋒揮太皞旗燄拂蚩尤內嬖陪行在孤臣預  
坐籌瑤簪遺翡翠霜仗駐驂驪豔笑雙飛斷香魂一哭  
休早梅悲蜀道高樹隔昭丘朱閣重霄近蒼厓萬古愁  
至今湯殿水嗚咽縣前流

詠寒宵

寒宵何耿耿良讌有餘姿寶鞋衰回處熏鑪悵望時  
曲

瓊垂翡翠斜月到呆愚委墜金缸燼闌珊玉局碁話窮  
猶注睇歌罷尚持頤曖曖遙相屬氛氲積所思秦娥卷  
衣晚胡雁度雲遲上郡歸來夢那知錦字詩

春日

問君何所思迢遞豔陽時門靜人歸晚牆高蝶過遲一  
雙青瑣燕千萬綠楊絲屏上吳山遠樓中朔管悲寶書  
無寄處香轂有來期草色將林彩相添入黛睂

開聖寺

路分谿石夾煙叢十里蕭蕭古樹風出寺馬嘶秋色裏  
向陵鴉亂夕陽中竹間泉落山厨靜墻下僧歸影殿空  
猶有南朝舊碑在敢將興廢問漁翁

贈蜀將

十年分散劔關秋萬事皆從錦水流志氣已曾明漢節  
功名猶尚帶吳鉤雕邊認箭寒雲重馬上聽笳塞草愁  
今日逢君倍惆悵灌嬰韓信盡封侯

寄清涼寺僧

石路無塵竹徑開昔年曾伴戴顓來窗間半偈聞鐘後  
松下殘碁送客回檐向玉峰籠夜雪砌因流水長秋苔  
白蓮會裏如相問說與遊人是姓雷

重遊東峰宗密禪師精廬

百尺青厓三尺墳微言已絕杳難聞戴顓今日稱居士  
支遁他年識領軍暫對杉松如結社偶同麋鹿自成羣

故山弟子空回首蔥嶺還應見宋雲

題李處士幽居

水玉簪頭戴角巾  
瑤琴寂歷拂輕塵  
濃陰似帳紅薇晚  
細雨如烟碧草新  
隔竹見籠疑有雀  
卷簾看畫更無人  
南窗自有忘機友  
谷口空稱鄭子真

春日偶作

西園一曲豔陽歌  
擾擾車塵負薜蘿  
自欲放懷猶未得  
不知經世竟如何  
夜聞猛雨判花盡  
寒戀重衾覺夢多  
釣渚別來應更好  
春風還爲起微波

和友人悼亡

玉貌潘郎淚滿衣  
畫羅輕鬢雨霏微  
紅蘭委露愁難盡

白馬朝天望不歸  
寶鏡塵昏鸞影在  
鈿箏弦斷雁行稀  
春風幾許傷情事  
碧草侵階粉蝶飛

池塘七夕

月出西南露氣秋  
綺寮河漢在鉞樓  
楊家繡作鴛鴦幔  
張氏金爲翡翠鈎  
銀燭有光妨宿燕  
畫屏無睡待牽牛  
萬家碁枰三篙水  
一夕橫塘似舊游

偶遊

曲巷斜臨一水間  
小門終日不開關  
紅珠斗帳櫻桃熟  
金尾屏風孔雀閒  
雲髻幾迷芳草蝶  
額黃無限夕陽山  
與君便是鴛鴦侶  
休向人間覓往還

贈知音

溫庭筠

溫庭筠

翠羽花冠碧樹雞未明先向短牆啼窗間謝女青蛾斂  
門外蕭郎白馬嘶殘曙微星當戶沒澹烟斜月照樓低  
上陽宮裏鐘初動不語垂鞭過柳隄

過陳琳墓

曾於青史見遺文今日飄蓬過此墳詞客有靈應識我  
霸才無主始憐君石麟埋沒藏春草銅雀荒涼對暮雲  
莫怪臨風倍惆悵欲將書劔學從軍

西江上送漁父

却逐嚴光向若邪釣綸菱擢寄年華三秋梅雨愁楓葉  
一夜篷舟宿葦花不見水雲應有夢偶隨烟鳥便成家  
白蘋風起樓船暮江燕雙雙五兩斜

經李徵君故居

露濃烟重草萋萋樹暎闌干柳拂隄一院落花無客醉  
五更殘月有鷺啼芳筵想像情難盡故榭荒涼路已迷  
風景宛然人自改却經門巷馬頻嘶

懷真珠亭

珠箔金鉤對彩橋昔年於此見嬌嬈香燈悵望飛瓊鬢  
涼月殷勤碧玉簫屏倚故窗山六扇柳垂寒砌露千條  
壞牆經雨蒼苔徧拾得當時舊翠翹

經五丈原

鐵馬雲雕共絕塵柳陰高壓漢宮春天清殺氣屯關右  
夜半妖星照渭濱下國卧龍空寤主中原得鹿不由人

象牀寶帳無言語從此譙周是老臣

和王秀才傷歌姬

月缺花殘莫愴然花須終發月須圓  
更能何事銷芳念亦有穠華委越川  
一曲豔歌畱宛轉九原春草妬嬋娟  
王孫莫學多情客自古多情損少年

送盧處士游吳越

羨君東去見殘梅唯有王孫獨未回  
吳苑夕陽明古堞越宮春草上高臺  
波生野水雁初下風滿驛樓潮欲來  
試逐漁舟看雪浪幾多江燕荇花開

蘇武廟

蘇武魂銷漢使前古祠高樹兩茫然  
雲邊雁斷胡天月

隴上羊歸塞草烟回日樓臺非甲帳  
去時冠劍是丁年茂陵不見封侯印  
空向秋波哭逝川

途中偶作

石路荒塘接野蒿西風吹馬利如刀  
小橋連驛楊柳晚廢寺入門禾黍高  
雞犬夕陽喧縣市鳧鷖秋水曝城壕  
故山有夢不歸去官樹陌塵何太勞

盤石寺畱別成公

榭葉蕭蕭帶葦風寺前歸客別支公  
三秋岸雪花初白一夜林霜葉盡紅  
山疊楚天雲壓塞浪遙吳苑水連空  
悠然旅榜頻回首無復松窗半偈同

牡丹

水漾晴紅歷疊波曉來金粉覆庭莎裁成豔思偏應巧  
分得春光最數多欲綻似含雙靨笑正繁疑有一聲歌  
華堂客散簾垂地想凭闌干斂翠蛾

谿上行

綠塘漾漾烟濛濛張翰此來情不窮雪羽離襟立倒影  
金鱗撥刺跳晴空風翻荷葉一向白雨濕蓼花千穗紅  
心羨夕陽波上客片時歸夢釣船中

題望苑驛

弱柳千條杏一枝半含春雨半垂絲景陽寒井人難到  
長樂晨鐘曉自知花影幾年通博望樹名何代號相思  
至今十二樓前月不向西陵照盛姬

宿杜城亡友李翔處士故墅

柳不成絲草帶煙海槎東去鶴歸天愁腸斷處春何限  
病眼開時月正圓花若有情還悵望水應無事莫潺湲  
終知此恨難消遣辜負南華第二篇

題柳

楊柳千條拂面絲綠烟金穗不勝吹香隨靜婉歌塵起  
影伴嬌嬈舞袖垂羌管一聲何處曲流鶯百轉最高枝  
千門九陌花如雪飛過宮牆兩不知

贈少年

江海相逢客恨多秋風葉下洞庭波酒酣夜別淮陰市  
月照高樓一曲歌

蔡中郎墳

古墳零落野花春聞說中郎有後身今日愛才非昔日  
莫拋心力作詞人

長安春晚

曲江春半日遲遲正是王孫悵望時  
杏花落盡不歸去  
江上東風吹柳絲

彈箏人

天寶年中事玉皇曾將新曲教寧王  
鈿蟬金鳳皆零落  
一曲伊州淚萬行

瑤瑟怨

冰簟銀牀夢不成碧天如水夜雲輕  
雁聲還過瀟湘去

十二樓中月自明

渭上題

呂公榮達子陵歸萬古煙波繞釣磯  
橋上一通名利迹  
至今江鳥背人飛  
目極雲霄思浩然風帆一片水連天  
輕橈便是東歸路  
不肯忘機作釣船  
烟水何曾息世機暫時相向亦依依  
所嗟白首磻谿叟  
一下漁舟愛不歸

經故翰林袁學士居

劔逐驚波玉委塵謝安門下更何人  
西州城外花千樹  
盡是羊曇醉後春

題城南杜邠公林亭

卓氏壚前金線柳，隋家隄畔錦帆風。  
貪爲兩地分霖雨，不見池蓮照水紅。

過分水嶺

谿水無情似有情，入山三日得同行。  
嶺頭便是分頭處，惜別潺湲一夜聲。

鄆杜郊居

槿籬芳援近樵家，隴麥青青一徑斜。  
寂寞遊人寒食後，夜來風雨送梨花。

楊柳枝

宜春苑外最長條，閒裊春風伴舞腰。  
正是玉人腸斷處，

一渠春水赤闌橋

南門牆東御路旁，預知春色柳絲黃。  
杏花未肯無情思，何事行人最斷腸。

蘇小門前柳萬條，參參金線拂平橋。  
黃鸝不語東風起，淡閉朱門伴細腰。

金縷參參碧瓦溝，六宮眉黛惹春愁。  
曉來更帶龍池雨，半拂闌干半入樓。

館娃宮外鄴城西，遠映征帆近拂隄。  
繫得王孫歸思切，不關春草綠萋萋。

兩兩黃鸝色似金，裊枝啼露動芳音。  
春來幸自長如線，可惜牽纏蕩子心。



御柳如絲映九重鳳凰窗柱繡芙蓉景陽樓畔千條露  
一面新妝待曉鐘  
織錦機邊鸞語頻停梭垂淚憶征人塞門三月猶蕭索  
縱有垂楊未覺春

觀棊

閒對楸枰傾一壺黃華坪上幾成盧他時謁帝銅池水  
便賭宣城太守無

御定全唐詩錄卷第七十九

御定全唐詩錄卷第八十

禮部侍郎臣徐倬翰林院侍讀學士臣徐元正奉

旨校刊

許渾

渾字用晦丹陽人太和六年進士第爲當塗太平  
二縣令以病免起潤州司馬大中三年爲監察御  
史歷虞部員外郎睦郢二州刺史有丁卯集  
紀事曰渾紀夢詩序云余嘗夢登山有宮室凌雲  
人云此崑崙也旣入見數人方欲招之至暮而罷  
詩云曉入瑤臺露氣清坐中惟有許飛瓊塵心未  
盡俗緣在十里山前空月明或云改第二句爲天

許渾

風飛下步虛聲韋莊讀渾詩云江南才子許渾詩  
字字清新句句奇十斛真珠量不盡惠休空作碧  
雲詞

徐獻忠曰渾詩雖未登于珪璋之列而煙雲風鳥  
之思揉弄亦已盡態

京口志晉時嘗以丁卯日立埭因以名橋渾別墅  
在焉集以爲名

### 近體詩

閒居孟夏即事

綠樹蔭青苔柴門臨水開簟涼初熟麥枕膩乍經梅魚  
躍海風起鼉鳴江雨來佳人竟何處日夕上樓臺

### 早秋

遙夜泛清瑟西風生翠蘿殘螢委玉露早雁拂金河高  
樹曉還密遠山晴更多淮南一葉下自覺洞庭波

### 溪亭

溪亭四面山橫柳半溪灣蟬響蟾急魚深翡翠閒水  
寒留客醉月上與僧還猶戀蕭蕭竹西齋未掩關  
暖枕眠溪柳僧齋昨夜期茶香秋夢後松韻晚吟時共  
戲魚翻藻爭棲鳥墜枝重陽應一醉栽菊助東籬

### 夜歸丁卯橋村舍

月涼風靜夜歸客泊巖前橋響犬遙吠庭空人散眠紫  
蒲低水檻紅葉半江船自有還家計南湖二頃田

南樓春望

南樓春一望雲水共昏昏野店歸山路危橋帶郭村晴  
煙和草色夜雨長溪痕下岸誰家住殘陽半掩門

遊維山新興寺宿石屏村謝叟家

晚過石屏村村長日漸曛僧歸下嶺見人語隔溪聞谷  
響寒耕雪山明夜燒雲家家扣銅鼓欲賽魯將軍

村有魯廟

宿開元寺西樓聞歌感賦

誰家歌裏裏孤枕在西樓竹色寒清簟松香染翠幃月  
移珠殿曉風遞玉箏秋日出應移棹三湘萬里愁

將歸塗口宿鬱林寺道元上人院

春尋採藥翁歸路宿禪宮雲起客眠處月殘僧定中藤

花溪洞水榭葉滿山風清境不能住朝朝慚遠公

重遊鬱林寺道元上人院

藤杖叩松關春溪斲藥還雨晴巢燕急波暖浴鷗閒倚  
檻花臨水回舟月照山憶歸師莫笑書劍在人間

洛中秋日

故國無歸處官閑憶遠遊吳僧秣陵寺楚客洞庭舟久  
病先知雨長貧早覺秋壯心能幾許伊水更東流

長安旅夜

久客怨長夜西風吹雁聲雲移河漢淺月泛露華清掩  
瑟獨凝思緩歌空寄情門前有歸路迢遞洛陽城

旅懷

征車何軋軋南北極天涯孤枕易爲客遠書難到家鄉  
連雲外樹城閉月中花猶有扁舟思前年別若耶

晚泊七里灘

天晚日沉沉歸舟繫柳陰江村平見寺山郭遠聞砧樹  
密猿聲響波澄雁影深榮華暫時事誰識子陵心

秋日赴闕題潼關驛樓

紅葉晚蕭蕭長亭酒一瓢殘雲歸太華踈雨過中條樹  
色隨關迴河聲入海遙帝鄉明日到猶自夢漁樵

題鄒處士隱居

桑柘滿江村西齋對海門浪衝高岸響潮入小池渾岳  
樹蔭碁局山花落酒樽相逢亦留宿還似識王孫

題韋隱居西齋

斲藥去還歸家人半掩扉山風藤子落溪雨豆花肥寺  
遠僧來少橋危客過稀不聞砧杵動應解製荷衣

春日題韋曲野老村舍

遶屋遍桑麻村南第一家林繁樹勢直溪轉水紋斜竹  
援晝看筍藥欄春賣花故園歸未得到此是天涯  
背嶺枕南塘數家村落長鶯啼幼婦嬾蠶出小姑忙煙  
草近溝濕風花臨路香自憐非楚客春望亦心傷

思德寺

樓臺橫復重猶有半巖空蘿洞淺溪水竹廊高下風晴  
山踈雨後秋樹斷雲中未盡平生意孤帆又向東

潼關蘭若

來往幾經過前軒枕大河遠帆春水濶高寺夕陽多蝶  
影下紅藥鳥聲喧綠蘿故山歸未得徒咏採薇歌

題岫上人院

客病與僧閑頻來不掩關高窓雲外樹疎磬雨中山離  
索秋蟲響登臨夕鳥還心知落帆處明月淅河灣

贈裴處士

爲儒白髮生鄉里早聞名煖酒雪初下讀書山欲明字  
形翻鳥跡詩調合猿聲門外滄浪水知君欲濯纓

王居士

筇杖倚柴關都城賣卜還雨中耕白水雲外斲青山有

藥身長健無機性自閑即應生羽翼華表在人間

征西舊卒

少年乘勇氣百戰過烏孫力盡邊城難功加上將恩曉  
風聽戍角殘月倚營門自說輕身處金瘡有舊痕

聞薛先輩陪大夫看早梅因寄

澗梅寒正發莫信笛中吹素艷雪凝樹清香風滿枝折  
驚山鳥散攜任野蜂隨今日從公醉何人倒接羅

再寄殷堯藩秀才

直道知難用經年向水濱宅從栽竹貴家爲買書貧就  
學多新客登朝盡故人蓬萊自有路莫羨武陵春

姑熟官舍寄汝洛友人

官靜亦無能平生少面朋務閑唯印吏公退只基僧藥  
鼎初寒火書龕欲夜燈安知北溟水終日送搏鴈

晚發天井關寄李師晦

山在水滔滔流年欲二毛湘潭歸夢遠燕趙客程勞露  
曉紅蘭重雲晴碧樹高逢秋正多感萬里別同袍

崇聖寺別楊至之

蕭寺暫時逢離憂滿病容寒齋秋少燕陰壁夜多蛩樹  
暗水千里山深雲萬重懷君在書信莫過雁回峯

送段覺歸杜曲閑居

書劍南歸去山扉別幾年苔侵巖下路果落洞中泉紅  
葉高齋雨青蘿曲檻煙寧知遠遊客羸馬太行前

送客

南國別經年雲晴波接天蒲深鷓鴣戲花暖鷓鴣眠竹  
暗湘妃廟楓陰楚客船唯應洞庭月萬里共嬋娟

送客歸湘楚

無辭一盃酒昔日與君深秋色換歸鬢曙光生別心桂  
花山廟冷楓樹水樓陰此路千餘里應勞楚客吟

送客南歸有懷

綠水暖青蘋湘潭萬里春瓦樽迎海客銅鼓賽江神避  
雨松楓岸看雲楊柳津長安一杯酒座上有歸人

送客歸吳興

綠水棹雲月洞庭歸路長春橋懸酒幔夜柵集茶檣箬

葉沉溪暖蘋花遶郭香應逢柳太守爲說過瀟湘

松江渡送人

故國今何在扁舟竟不歸雲移山漠漠江濶樹依依  
晚色千帆落秋聲一雁飛此時兼送客凭檻欲沾衣

重經姑蘇懷古

香徑遶吳宮千帆落照中鸛鳴山欲雨魚躍海多風  
城帶晚莎綠池連秋蓼紅當年國門外誰識伍員忠

對雪

飛舞北風涼玉人歌玉堂簾帷增曙色珠翠發寒光  
柳重絮微濕梅繁香未香茲辰賀豐歲簫鼓宴梁王

看雪

松亞竹珊珊心知萬井歡山明迷舊徑溪滿漲新瀾  
客醉瑤臺曙兵防玉塞寒紅樓知有酒誰肯學袁安

陪少師李相國崔賓客宴居守狄僕射池亭

池色似瀟湘仙舟日正長燕飛驚蛺蝶魚戲動鴛鴦  
雲聚歌初轉風回舞欲翔暖醅松葉嫩寒粥杏花香  
羅綺留春色笙竽送晚光何須明月夜紅燭在華堂

歲暮自廣江至新興往復中題峽山寺

夜醉晨方醒孤吟恐失羣海鮪潮上見江鷓霧中聞  
未臘梅先實經冬草自薰樹隨山掩合泉到石稜  
分虎跡空林兩猿聲絕嶺雲蕭蕭異鄉鳥明日共絲棼

薄暮綠西峽停橈一訪僧鷺巢橫卧柳猿飲倒垂藤水

曲巖千疊雲重樹百層山風寒殿磬溪雨夜船燈灘漲  
危槎沒泉衝怪石崩中臺一襟淚歲杪別良朋

密樹分蒼壁長溪抱碧岑海風聞鶴遠潭日見魚深松

蓋環清韻榕根架綠陰南方大葉榕樹枝危者輒生根垂入地如柱大洞丁多斲石蠻

女半淘金端州斲石塗涯縣淘金為業南浦驚春至西樓送月沉江流不

過嶺何處寄歸心

月在行人起千峯復萬峯海虛爭翡翠溪邏闢芙蓉南方

呼市為虛呼戎為邏新州有翡翠虛芙蓉邏也古木高生斛陰池滿種松木斛花生于他樹槎枿池沼多松謂

之水火探深洞燕香送遠潭龍南方持火于乳洞中取燕而食康州悅城縣有媪龍即蛇也隨水往舟船

至人家或千里外皆以香果酒送之藍塢寒先燒禾堂晚併春種藍多有塢先燒其地人以木槽春禾謂

更投何處宿西峽隔雲鐘

奉賀盧大夫新立假山

巖谷留心賞為山極自然孤峯空迸筍攢萼旋開蓮黛  
色朱樓下雲形繡戶前砌塵凝積霽簷溜掛飛泉樹暗  
壺中月花香洞裏天何如謝康樂海嶠獨題篇

冬日宣城開元寺贈元孚上人

一鉢事南宗僧儀稱病容曹溪花裏別蕭寺竹前逢燭  
影深寒殿經聲徹曙鐘欲齋簷下鴿初定壁吟蛩詩繼  
休遺韻書傳永逸蹤藝多人譽洽緣絕道情濃汲澗瓶  
沉藻眠堦錫挂松雲鳴新放鶴池卧舊降龍露茗山厨  
焙霜秔野碓春梵文明處譯禪衲暖時縫層塔題應遍  
飛軒步不慵繡梁交薜荔畫井倒芙蓉翠戶垂旗網朱



窻列劒鋒寒風金磬遠晴雪玉樓重妙理三乘達清才  
萬象供山高橫睥睨灘淺聚朦朧微靄蒼平楚殘暉淡  
遠峯林疎霜槭槭波靜月溶溶劒出因雷煥琴全遇蔡  
邕西方如有社支許合相從

贈蕭鍊師

鍊師貞元初自梨園選爲內伎善舞柘枝宮中  
莫有倫比者寵錫甚厚及駕幸奉天以病不獲  
隨輦遂失所止洎復宮闕上頗懷其藝求之泐  
旬得于人間後聞神仙人之事謂長生可致乞奉  
黃老上許之詔居嵩南洞青觀迨今八十餘矣  
雪膚花顏與昔無異則知龜鶴之壽安得不由

所尚哉因賦是詩題于院壁

曾試昭陽曲瑤階帝自臨紅珠絡繡帽翠鈿束羅襟雙  
闕朝塵起千門宿霧陰出宮迷國步回駕軫皇心桂殿  
春空晚椒房夜自深急宣求故劒冥契得遺簪暗記神  
仙傳潛封女史箴壺中知日永掌上畏年侵莫比班家  
扇寧同卓氏琴雲車辭鳳輦羽帔別鴛衾網斷魚遊藻  
籠閑鶴戲林洛煙浮碧漢嵩月上丹岑露草爭三秀風  
篔共八音吹笙延鶴舞鼓磬引龍吟旄節纖晉舉霞杯  
皓腕斟還磨照寶鏡猶插辟寒金東海人情變南山聖  
壽嶽朱顏常似渥綠髮已加尋養氣齊生死留形盡古  
今更來應不見雞犬日駸駸

村舍

自剪青莎織雨衣南村煙火是柴扉  
萊妻早報蒸藜熟童子遙迎種豆歸  
魚下碧潭當鏡躍鳥還青嶂拂屏飛  
花時未免人來往欲買嚴光舊釣磯

尚平多累自歸難一日身閑一日安  
山逕有雲收獵網水門無月掛魚竿  
花間酒氣春風遠竹裏碁聲夜雨寒  
三頃水田秋更熟北窓誰拂舊塵冠

卧病

寒窻燈盡月斜暉珮馬朝天獨掩扉  
清露已凋秦塞柳白雲空長越山薇  
病中送客難為別夢裏還家不當歸  
惟有寄書書未得卧聞燕雁向南飛

潁州從事西湖亭讌餞

西湖清讌不知回一曲離歌酒一杯  
城帶夕陽聞鼓角寺臨秋水見樓臺  
蘭堂客散蟬猶噪桂檝人稀鳥自來  
獨想征帆去鞏洛此中霜菊正花開

韶州驛樓宴罷

簷外千帆背夕陽歸心杳杳鬢蒼蒼  
嶺猿羣宿夜山靜沙鳥獨飛秋水涼  
露墮桂花碁局濕風吹荷葉酒瓶香  
主人不醉下樓去月在南軒更漏長

晚自東郭回留一二遊侶

鄉心迢遞宦情微吏散尋幽竟落暉  
林下草腥巢鷺宿洞前雲濕雨龍歸  
鐘隨野艇回孤棹鼓絕山城掩半扉

今夜西齋好風月一瓢春酒莫相違

姑熟官舍

草生官舍似閑居雪照南窓滿素書貧後始知爲吏拙  
病來還喜識人疎青雲豈有窺梁燕濁水應無避釣魚  
不待秋風便歸去紫陽山下是吾廬

南海府罷南康阻淺行侶稍稍登陸主人燕餞至  
頻暮宿東溪

暗灘水落漲虛沙灘去秦吳萬里賒馬上折殘江北柳  
舟中開盡嶺南花離歌不斷如留客歸夢初驚似到家  
山鳥一聲人未起半牀春月在天涯

夜歸驛樓

水晚雲秋山不窮自疑身在畫屏中孤舟移棹一江月  
高閣捲簾千樹風窻下覆碁殘局在橘邊沽酒半壘空  
早炊香稻待鱸膾南渚未明尋釣翁

早發天台中巖寺度關嶺次天姥岑

來往天台天姥間欲求真訣駐衰顏星河半落巖前寺  
雲霧初開嶺上關丹壑樹多風浩浩碧溪苔淺水潺潺  
可知劉阮逢人處行盡深山又是山

自楞伽寺晨起泛舟道中有懷

碧樹蒼蒼茂苑東佳期迢遞路何窮一聲山鳥曙雲外  
萬點水螢秋草中門掩竹齋微有月棹移蘭渚淡無風  
欲知此路堪惆悵菱葉蓼花連故宮

倉浪峽

纓帶流塵髮半霜獨尋殘月下  
滄浪一聲溪鳥暗雲散  
萬片野花流水香昔日未知方外樂  
暮年初信夢中忙  
紅蝦青鯽紫芹脆歸去不辭來路長

鶴林寺中秋夜翫月

待月東林月正圓廣庭無樹草無煙  
中秋雲盡出滄海  
半夜露寒當碧天輪彩漸移金殿外  
鏡光猶掛玉樓前  
莫辭達曙殷勤望一隋西巖又隔年

朝臺送客有懷

趙佗西拜已登壇馬援南征土宇寬  
越國舊無唐印綬  
蠻鄉今有漢衣冠江雲帶日秋偏熱  
海雨隨風夏亦寒

嶺北歸人莫回首蓼花楓葉萬重灘

題崔處士山居

坐窮今古掩書堂二頃湖田一半荒  
荆樹有花兄弟樂  
橘林無實子孫忙龍歸曉洞雲猶濕  
麝過春山草自香  
向夜欲歸心萬里故園松月更蒼蒼

錢塘青山李隱居西齋

小隱西亭爲客開翠蘿深處遍蒼苔  
林間掃石安碁局  
巖下分泉遞酒杯蘭葉露光秋月上  
蘆花風起夜潮來  
雲山遶屋猶嫌淺欲棹漁舟近釣臺

晚自朝臺至韋隱居郊園

秋來鳧雁下方塘繫馬朝臺步夕陽  
村徑繞山松葉暗

柴門臨水稻花香雲連海氣琴書潤風帶潮聲枕簟涼  
西下磻溪猶萬里可能垂白待文王

再遊姑蘇玉芝觀

高梧一葉下秋初迢遞重廊舊寄居月過碧窻今夜酒  
雨昏紅壁去年書玉池露冷芙蓉淺瓊樹風高薜荔疎  
從此扁舟更東去仙翁應笑爲鱸魚

元處士自洛歸宛陵山居見示詹事相公餞行之

什因贈

紫霄峯下絕韋編舊隱相如結襪前月落尚留東閣醉  
風高還憶北窻眠江城夜別瀟瀟雨山檻晴歸漠漠煙  
一頃豆花三頃竹想應拋却釣魚船

病間寄郡中文士

盧橘舍花處處香老人依舊卧清漳心同客舍驚秋早  
跡似僧齋厭夜長風捲翠簾琴自響露凝朱閣簟先涼  
明朝欲醉文中彥猶覺吟聲帶越鄉

京口間居寄兩都親友

吳門煙月昔同遊楓葉蘆花並客舟聚散有期雲北去  
浮沉無計水東流一樽酒盡青山暮千里書回碧樹秋  
何處相思不相見鳳城宮闕楚江樓

晨起白雲樓寄龍興江準上人兼呈竇秀才

茲樓今是望鄉臺鄉信全稀曉雁哀山翠萬重當檻出  
水光千里抱城來東巖月在僧初定南浦花殘客未回

欲弔靈均能去否秋風還有木蘭開

寄房千里博士

春風白馬紫絲韁正值蠶眠未採桑五夜有心隨暮雨  
百年無節待秋霜重尋繡帶朱藤合更認羅裙碧草長  
為報西游減離恨阮郎纔去嫁劉郎

雲溪友議云千里初上第遊嶺徵有進士章滂者自  
南海邀趙氏來為房妾房赴京調選與趙別約中秋為期趙極悵戀房至襄州逢  
渾赴弘農公番禺之命乃以情意相託許諾焉比到府即遣人訪之則趙已却從  
章矣因寄房詩云云房聞之幾有歐陽四門詹太原之慘渾集所載稍異首二  
句云修蛾顰翠倚柔桑遙謝春風白面即結句云何處野花何處水下峯流出一  
渠香題云途經敷水不云寄房想為房諱之故改句并改題耳又才調集載此詩  
題云客有新豐館題怨別之詞因詰傳吏盡得其實偶作四韻朝之或亦渾所改  
也

別表兄軍倅

余祇命南海至廬陵逢表兄軍倅奉使淮海別

後却寄是詩

盧橘花香拂釣磯佳人猶舞越羅衣三洲水淺魚來少  
五嶺山高雁到稀客路晚依紅樹宿鄉關朝望白雲歸  
交親不念征南吏一夜風帆去似飛

與韓鄭二秀才同舟東下洛中親友送至景雲寺  
三十六峯橫一川綠波無路草芊芊牛羊晚食鋪平地  
鷗鷺晴飛摩遠天洛客盡回臨水寺楚人皆逐下江船  
東西未有相逢日更把繁華共醉眠

凌歊臺送章秀才

雲起高臺日未沉數村殘照半巖陰野蠶成繭桑柘盡  
溪鳥引雛蒲稗深帆勢依依投極浦鐘聲杳杳隔前林

故山迢遞故人去一夜月明千里心

送郭秀才遊天台

余嘗與郭秀才同翫朱審畫天台山圖秀才因遊是山題詩贈別

雲埋陰壑雪凝峯半壁天台已萬重人度碧溪疑輟棹  
僧歸蒼嶺似聞鐘暖眠鷓鴣晴灘草高掛獼猴暮澗松  
曾約共遊今獨去赤城西面水溶溶

送杜秀才往桂林

桂州南去與誰同處處山連水自通兩岸曉煙千里草  
半帆斜日一江風瘴雨欲來楓樹黑火雲初起荔枝紅  
愁君路遠銷年月莫滯三湘五嶺中

送蕭處士歸緱嶺別業

醉斜烏帽髮如絲曾看仙人一局碁賓館有魚爲客久  
鄉書無雁到家遲緱山住近吹笙廟湘水行逢鼓瑟祠  
今夜月明何處宿九疑雲盡碧參差

送張尊師歸洞庭

能琴道士洞庭西風滿歸帆路不迷對岸水花霜後淺  
傍簷山果雨來低杉松近晚移茶爨巖谷初寒蓋藥畦  
他日相思兩行字無人知處武陵溪

咸陽城東樓

一上高城萬里愁蒹葭楊柳似汀洲溪雲初起日沉閣  
山雨欲來風滿樓鳥下綠蕪秦苑夕蟬鳴黃葉漢宮秋

行人莫問當年事故國東來渭水流

登故洛陽城

禾黍離離半野蒿昔人城此豈知勞水聲東去市朝變  
山勢北來宮殿高鴉噪暮雲歸古堞雁迷寒雨下空壕  
可憐緱嶺登仙子獨自吹笙醉碧桃

金陵懷古

玉樹歌殘王氣終景陽兵合戍樓空松楸遠近千官塚  
禾黍高低六代宮石燕拂雲晴亦雨江豚吹浪夜還風  
英雄一去豪華盡惟有青山似洛中

凌歊臺

宋祖凌歊樂未回三千歌舞宿層臺湘潭雲盡暮山出

巴蜀雪消春水來行殿有基荒薺合寢園無主野棠開

百年便作萬年計岫畔古碑空綠苔

凌歊臺在今當塗黃山直  
踞大江上西望江流天門

中谿真有從巴蜀高擁而來之勢稍東直瞰牛渚磯潭水深黑不測潭上諸山環  
峙薄暮嵐消山見則暮山雲盡而出尤對岸真景俗本作湘潭字蓋江潭之誤也  
宋祖亦非高祖裕宋二武皆稱祖地志稱世祖孝武登此臺置離宮本紀亦載其  
幸南豫州者再校獵姑熟者一是嘗執高祖裕為田舍翁者三千歌舞固宜有之  
百年便作萬年計又似約略孝武後人借南苑三百年癡想  
驟入之以盡宋事要使寬展耳諸家駁此多未當特著之

驪山

聞說先皇醉碧桃日華浮動鬱金袍風隨玉輦笙歌迴  
雲捲珠簾劍佩高鳳輦北歸山寂寂龍旗西幸水滔滔  
蛾眉沒後巡遊少瓦落宮牆見野蒿

四皓廟

桂香松暖廟門開獨瀉椒漿奠一杯秦法未興鴻已去



漢儲將廢鳳還來紫芝翳翳多青草白日蒼蒼半綠苔  
山下驛塵南竄路不知冠蓋幾人回

題衛將軍廟

將軍名逖陽羨人少習詩書學弓劍有武略二  
十七游并汾間遇神堯皇帝始建義旗逖以勇  
藝進備行列洎擒竇建德逖時挾鎗劍前突後  
翼太宗顧而奇之天下既定錄其功拜將軍宿  
衛以母老病且乞歸侍殘年辭旨哀激詔許之  
既而以孝敬睦閨門以然信居鄉里及卒邑人  
懷其賢廟于荆溪之湄以平生弓甲懸東西廡  
下歲時祠祭頗福其土焉文士王敖撰碑辭實

詳備惜乎國史闕書其人因題是詩于廟壁

武牢關下護龍旗挾槊彎弓馬上飛漢業未興王霸在  
秦軍纔散魯連歸墳穿大澤埋金劍廟枕長溪挂鐵衣  
欲奠忠魂何處問葦花楓葉雨霏霏

塞下

夜戰桑乾北秦兵半不回朝來有鄉信猶自寄征衣

長安早春懷江南

雲月有歸處故山清洛南秦城一花發春夢遍江潭

秦樓曲

秦女夢餘仙路遙月窻風簟夜迢迢伴郎翠鳳雙飛去  
三十六宮聞玉簫

秋思

琪樹西風枕簟秋  
楚雲湘水憶同遊  
高歌一曲掩明鏡  
昨日少年今白頭

學仙

心期仙訣意無窮  
彩畫雲車起壽宮  
聞有三山未知處  
茂陵松柏滿西風

宿咸宜觀

羽袂飄飄香夜風  
翠幢歸殿玉壇中  
步虛聲盡天未曉  
雲壓桃花月滿空

遊楞伽寺

碧煙秋寺泛湖來  
水浸城根古堞摧  
盡日傷心人不見

石楠花發舊歌臺

守風淮陰

遙見江陰夜漁客  
因思京口釣魚時  
一潭明月萬株柳  
自去自來人不知

客有卜居不遂薄遊汧隴因題

海燕西飛向日斜  
天門遙望五侯家  
樓臺深鎖無人到  
落盡東風第一花

寄桐江隱者

潮去潮來洲渚春  
山花如繡草如茵  
嚴陵臺下桐江水  
解釣鱸魚能幾人

重別曾主簿

淚沿紅粉濕羅巾重繫蘭舟勸酒頻留却一枝河畔柳  
明朝猶有遠行人

送楊發東歸

紅花半落燕于飛同客長安今獨歸一紙鄉書報兄弟  
還家羞着別時衣

送宋處士歸山

賣藥修琴歸去遲山風吹老桂花枝世間甲子須臾事  
逢着仙人莫看棋

謝亭送別

勞歌一曲解行舟紅葉青山水急流日暮酒醒人已遠  
滿天風雨下西樓

緱山廟

王子求仙月滿臺玉笙清轉鶴徘徊曲終飛去不知處  
山下碧桃春自開

喻鳧

鳧毗陵人體賈島為詩嘗以其業謁杜紫微不遇  
曰吾詩無羅綺鉛粉宜其不售也後登開成五年  
進士第終烏程令

近體詩

夏日因懷陽羨舊遊寄裴書記

落日太湖西波涵萬象低藕花薰浦淑菱蔓匿鳧鷺樹  
及長橋盡灘迴七里迷還因坐籌暇時一夢荆溪

憶友人

銀地無塵金菊開紫梨紅棗隨莓苔一泓秋水一輪月  
今夜故人來不來

御定全唐詩錄卷第八十

御定全唐詩錄卷第八十一

禮部侍郎臣徐倬翰林院侍讀學士臣徐元正奉

旨校刊

雍陶

陶字國鈞成都人太和八年第進士大中間自國  
子毛詩博士出為簡州刺史

雲溪友議陶為簡牧自比謝宣城柳吳興賓至則  
挫辱投贄者少得見之有馮道明者請謁給闈者  
曰與太守故舊及見呵責曰與公昧平生何故舊  
之有道明白誦公詩於集中日得相見何隔平生  
遂吟雍詩云江聲秋入峽雨氣夜侵樓立當青草

人先見行傍白蓮魚未知閉門客到常疑病滿院  
花開不似貧雍聞吟欣狎遂如曩昔之交

古體詩

明月照高樓

明月何高高樓中簾影寒一婦獨含歎四坐誰成歡時  
節屢已移遊旅杳不還滄溟儻未涸妾淚終不乾君若  
無定雲妾若不動山雲行出山易山逐雲去難願爲邊  
塞塵因風委君顏君顏良洗多盪妾濁水間

近體詩

塞上宿野寺

塞上蕃僧老天寒疾上關遠煙平似水高樹暗如山去

馬朝常急行人夜始閑更深聽刁斗時到磬聲間

同賈島宿無可上人院

何處銷愁宿攜囊就遠僧中宵吟有雪空屋語無燈靜  
境唯聞鐸寒牀但枕肱還因愛閑客始得見南能

和劉補闕秋園寓興

水木夕陰冷池塘秋意多庭風吹故葉階露淨寒莎愁  
燕窺燈語情人見月過砧聲聽已別蟲響復相和  
閉門無事後此地即山中但覺鳥聲異不知人境同晚  
花開爲雨殘果落因風獨坐還吟酌詩成酒已空  
自得家林趣常時在外稀對僧餐野食迎客著山衣雀  
鬪翻簷散蟬驚出樹飛功成他日後何必五湖歸

秋色庭蕪上清朝見露華疎篁抽晚筍幽藥吐寒芽引  
水新渠淨登臺小徑斜人來多愛此蕭爽似仙家  
聖代少封事閑居方屏喧漏寒雲外闕木落月中園山  
鳥宿簷樹水螢流洞門無人見清景林下自開樽  
禁掖朝迴後林園勝賞時野人來辨藥庭鶴往看碁晚  
日明丹棗朝霜潤紫梨還因重風景猶自有秋詩

贈金河戍客

慣獵金河路曾逢雪不迷射雕青塚北走馬黑山西戍  
遠旌幡少年深帳幕低酬恩須盡敵休說夢中閨

塞路晚晴

晚虹斜日塞天昏一半山川帶雨痕新水亂侵青草路

殘煙猶傍綠楊村邊人羊馬休南牧大將旌旗在北門  
行子喜聞無戰伐閑看遊騎獵秋原

河陰新城

高城新築壓長川虎踞龍蟠氣色全五里似雲根不動  
一重如月暈長圓河流暗與溝池合山色遙將睥睨連  
自有此來當汴口武牢何用鎖風煙

送徐山人歸睦州舊隱

君在桐廬何處住草堂應與戴家鄰初歸山犬翻驚主  
久別江鷗却避人終日欲爲相逐計臨岐空羨獨行身  
秋風釣艇遙相憶七里灘西片月新

經杜甫舊宅

浣花溪裏花多處爲憶先生在蜀時萬古只應留舊宅  
千金無復換新詩沙崩水檻鷗飛盡樹壓村橋馬過遲  
山月不知人事變夜來江上與誰期

詠雙白鷺

雙鷺應憐水滿池風飄不動頂絲垂立當青草人先見  
行傍白蓮魚未知一足獨拳寒雨裏數聲相叫早秋時  
林塘得爾須增價況是詩家物色宜

公子行

公子風流嫌錦繡新裁白紵作春衣金鞭留當誰家酒  
拂柳衝花信馬歸

送春

勿言春盡春還至少壯看花復幾回今日已從愁裏去  
明年更莫共愁來

天津橋望春

津橋春水浸紅霞煙柳風絲拂岸斜翠輦不來金殿閉  
宮鶯啣出上陽花

過南鄰花園

莫怪頻過有酒家多情長是惜年華春風堪賞還堪恨  
纔見開花又落花

城西訪友人別墅

澧水橋西小路斜日高猶未到君家村園門巷都相似  
處處春風枳殼花

訪友人幽居

落花門外春將盡飛絮庭前日欲高  
深院客來人未起黃鸝枝上啄櫻桃  
莎深苔滑地無塵竹冷花遲剩駐春  
盡日弄琴誰共聽與君兼鶴是三人

題君山

風波不動影沉沉翠色全微碧色深  
疑是水仙梳洗處一螺青黛鏡中心

和孫明府懷舊山

五柳先生本在山偶然爲客落人間  
秋來見月多歸思自起開籠放白鷗

馬戴

戴字虞臣會昌四年進士第與姚少監合相善大  
中初太原李司空辟掌書記以正言斥爲龍陽尉  
咸通末佐大同幕終太學博士

紀事云許棠久困名場咸通末戴佐大同軍幕棠  
往謁之一見如舊識留連數月詩酒而已未嘗問  
所欲一旦大會賓友命使者以棠家書授之棠驚  
愕莫知其來啓緘即知戴潛遣一介恤其家矣

近體詩

春思

初日照楊柳玉樓含翠陰啼春獨鳥思望遠佳人心幽



怨貯瑤瑟韶光凝碧林所思曾不見芳草意空深

夕次淮口

天涯孤光盡木末羣鳥還夜久遊子息月明岐路閑風  
生淮水上帆落楚雲間此意竟誰見行行非故關

落日悵望

孤雲與歸鳥千里片時間念我一何滯辭家久未還微  
陽下喬木遠色隱秋山臨水不敢照恐驚平昔顏

秋郊夕望

度鳥向棲急陰蟲逢夜多餘霞媚秋漢迴月濯滄波蔓  
草將萎絕流年其奈何耿耿然搖落思獨酌不成歌

山行偶作

緣危路忽窮投宿值樵翁鳥下山含暝蟬鳴露滴空石  
門斜月入雲竇暗泉通寂寞生幽思心疑舊隱同

早發故園

語別在中夜登車離故鄉曙鐘寒出岳殘月迴凝霜風  
柳條多折沙雲氣盡黃行逢海西雁零落不成行

灞上秋居

灞原風雨定晚見雁行頻落葉他鄉樹寒燈獨夜人空  
園白露滴孤壁野僧鄰寄卧郊扉久何門致此身

楚江懷古

露氣寒光集微陽下楚丘猿啼洞庭樹人在木蘭舟廣  
澤生明月蒼山夾亂流雲中君不見竟夕自悲秋

汗上欵舊友

斗酒故人同長歌起北風斜陽高壘閉秋角暮山空雁  
宿寒流上螢飛淡霧中坐來憂白髮況復久從戎

宿崔邵池陽別野

楊柳色已改郊原日復低煙生寒渚上霞散亂山西待  
月人相對驚風雁不齊此心君莫問舊國去將迷

過野叟居

野人閒種樹樹老野人前居止白雲內漁樵滄海邊呼  
兒採山藥放犢飲溪泉自著養生論無煩憂暮年

宿翠微寺

處處松陰滿樵開一徑通鳥歸霜磬盡僧語石樓空積

翠含微月遙泉韻細風經行心不厭憶在故山中

宿無可上人房

稀逢息心侶細話故山期河漢秋生夜杉梧露滴時風  
傳林磬久月掩草堂遲坐卧禪心在浮生皆不知

題鏡湖野老所居

湖裏尋君去樵風往返吹樹喧巢鳥出路細葑田移漚  
芡成魚網枯根是酒卮老年唯自適生事任羣兒

寄西岳白石僧

挂錫中峯上經行踏石梯雲房出定後嶽月在池西峭  
壁殘霞照欹松積雪齊年年着山屐曾得到招提

寄終南真空禪師

閒想白雲外了然清淨僧松門山半寺雨夜佛前燈此  
境可長往浮生自不能一從林下別瀑布幾成冰

江亭贈別

長亭晚送君秋色度江濱衰柳風難定寒濤雪不分猿  
聲離楚峽帆影入湘雲獨泛扁舟夜山鐘可卧聞

贈別空公

雲門秋却入微徑久無人後夜中峯月空林百衲身寂  
寥寒磬盡盪漱瀑泉新履跡誰相見松風掃石塵

送人遊蜀

別離楊柳陌迢遞蜀門行若聽清猿後應多白髮生虹  
蜺侵棧道風雨雜江聲過盡愁人處煙花是錦城

送客南遊

擬卜何山隱高秋指岳陽葦乾雲夢色橘熟洞庭香疎  
雨殘虹影回雲背雁行靈均如可問一爲哭清湘

送僧歸金山寺

金山江色裏蟬急向秋分迴寺橫洲島歸僧度水雲夕  
陽依岸盡清磬隔潮聞遙想禪林下鑪香對月焚

寄金州姚使君負外

老懷清淨化乞去守洵陽廢井人應滿空林虎自藏迸  
泉疎石竇殘雨發椒香山缺通巴峽江流帶楚檣勸農  
生野思禱廟結雲裝覆局松移影聽琴月隋光鳥鳴開  
郡印僧去置禪牀罷貢金休鑿凌寒筍更長退公披鶴

望高步隔鷓行相見朱門內麾幢拂曙霜

送李侍御福建從事

晉安來越國蔓草故宮迷釣渚龍應  
在琴臺鶴亂棲泛濤明月廣邊海  
衆山齊賓府通蘭棹蠻僧接石梯  
片雲和瘴濕孤嶼映帆低上客多  
詩興秋猿足夜啼

送從叔重赴海南從事

又從連帥請還作嶺南行窮海何  
時到孤帆累月程亂蟬吟暮色  
哀狖落秋聲晚路潮波起寒葭霧  
雨生沙埋銅柱沒山簇瘴雲平  
念此別離苦其如宗從情

送顧少府之永康

婺女星邊去春生即有花寒關雲  
復雪古渡草連沙宿

次吳江晚行侵日微斜官傳梅福  
政縣故赤松家燒起明山翠潮迴  
動海霞清高宜閱此莫歎近天涯

題廬山寺

白茅爲屋宇編荆數處堦堦石疊  
成東谷笑言西谷應下方雲雨上  
方晴鼠驚樵客綠蒼壁猿戲山頭  
撼紫檉別有一條投澗水竹筒斜  
引入茶鐺

易水懷古

荆卿西去不復返易水東流無盡  
期落日蕭條薊城北黃沙白草任  
風吹

薛逢

逢字陶臣河東人文詞俊拔會昌  
初擢進士第繇

鎮幕歷侍御史尚書郎為人褊忿多忤初與劉瑒  
交每侮易之瑒知政事有薦逢知制誥者瑒以例  
抑之試巴州郡楊收王鐸亦皆同年收作相逢有  
詩微辭譏訕收銜之復斥蓬綿二州收罷得還爲  
太常少卿給事中及鐸登庸又以詩訾鐸鐸又怨  
之不爲引用以秘書監終

古體詩

鄰相反行

東家有兒年十五只向田園獨辛苦夜開溝水遶稻田  
曉叱耕牛墾塔土西家有兒纔弱齡儀容清峭雲鶴形  
涉書獵史無早暮坐期朱紫如拾青東家西家兩相誚

西兒笑東東又笑西云養志與榮名彼此相非不相調  
東家自云雖苦辛躬耕早暮及所親男春女爨二十載  
堂上未爲衰老人朝機暮織還充體餘者到兄還及弟  
春秋伏臘長在家不許妻奴暫違禮爾今二十方讀書  
十年取第三十餘往來途路長離別幾人便得升公車  
縱令得官身須老銜恤終天向誰道百年骨肉歸下泉  
萬里枌榆長秋草我今躬耕奉所天耘鋤刈穫當少年  
面上笑添今日喜肩頭薪續厨中煙縱使此身頭雪白  
又見兒孫還稼穡家藏一卷古孝經世世相傳皆得力  
爲報西家知不知何須謾笑東家兒生前不得供甘滑  
歿後揚名徒爾爲

靈臺家兄古鏡歌

一尺圓潭深黑色篆文如絲人不識耕夫云住赫連城  
赫連城下親耕得鏡上磨瑩一月餘日中漸見菱花舒  
金膏洗拭銚澁盡黑雲吐出新蟾蜍人言此是千年物  
百鬼聞之形暗慄玉匣曾經龍照來豈宜更鑿農夫質  
有時霹靂半夜驚窓中飛電如晦明盤龍鱗脹玉匣溢  
牙爪觸風時有聲耕夫不解珍靈異翻懼赫連神作祟  
十千賣與靈臺兄百丈靈湫坐中至溢匣水色如欲傾  
兒童不敢窺泓澄寒光照人近不得坐愁雷電湫中生  
吾兄吾兄須愛惜將來慎勿虛拋擲興雲致雨會有神  
莫遣紅妝穢靈跡

近體詩

長安春日

窮途日日困泥沙上苑年年好物華荆棘不當車馬道  
管絃長奏綺羅家王孫草上悠揚蝶少女風前爛熳花  
嬾出任從遊子笑入門還是舊生涯

醉間聞甘州

老聽笙歌亦解愁醉中因遣合甘州行追赤嶺千山外  
坐想黃河一曲流日暮豈堪征婦怨路傍能結旅人愁  
左綿刺史心先死淚滿朱絃催白頭

漢武宮詞

武帝清齋夜築壇自斟明水醮仙官殿前童女移香案

庭際金人捧露盤  
絳節有時還  
入夢碧桃何處更  
驂鸞  
茂陵煙雨埋冠劍  
石馬無聲蔓草寒

宮詞

十二樓中盡曉妝  
望仙樓上望君王  
玉鎖銜金獸連環冷  
水滴銅龍晝漏長  
雲髻罷梳還對鏡  
羅衣欲換更添香  
遙窺正殿簾開處  
袍袴宮人掃御牀

開元後樂

莫奏開元舊樂章  
樂中高曲斷人腸  
邠王玉笛三更咽  
虢國金車十里香  
一自烽煙生薊北  
便從征戰老汾陽  
中原駿馬搜求盡  
沙苑年來草又芳

題昭華公主廢池館

曾發簫聲水檻前  
夜蟾寒沼兩嬋娟  
微波有恨終歸海  
明月無情却上天  
白鳥帶將簾外雪  
綠蘋枯盡渚中蓮  
榮華不向人間住  
須讀莊生第一篇

潼關河亭

重岡如抱嶽如蹲  
氣躡秦川勢自尊  
天地併功開帝宅  
山河相湊束龍門  
櫓聲嘔軋中流渡  
柳色微茫遠岸村  
滿眼波濤終古事  
年來惆悵與誰論

送靈州田尚書

陰風獵獵滿旗竿  
白草颼颼劒氣攢  
九姓羌渾隨漢節  
六州蕃落從戎鞍  
霜中入塞琯弓硬  
月下翻營玉帳寒  
今日路傍誰不指  
穰苴門戶慣登壇

送衢州崔負外

笑分銅虎別京師  
嶺下山川想到時  
紅樹暗藏殷浩宅  
綠蘿深覆偃王祠  
風茅向暖抽書帶  
露竹迎風舞釣絲  
休指巖西歸數日  
知君已負白雲期

送沈單作尉江都

煬帝都城春水邊  
笙歌夜上木蘭船  
三千宮女自塗地  
十萬人家如洞天  
焰焰花枝官舍晚  
重重雲影寺牆連  
少年作尉須矜慎  
莫向樓前墜馬鞭

獵騎

兵印長封入衛稀  
碧空雲盡早霜微  
滄川桑落鷗初下  
渭曲禾收兔正肥  
陌上管絃清似語  
草頭弓馬疾如飛

豈知萬里黃金戍  
血迸金瘡卧鐵衣

李遠

遠字承古蜀人  
太和五年進士  
歷忠建江三州刺史  
終御史中丞

幽閒鼓吹云  
宣宗朝令狐綯薦遠為杭州刺史  
宣宗曰我聞遠有詩云  
長日唯銷一局碁  
豈可以臨郡哉  
綯對曰詩人之言非有實也  
仍薦遠廉察可任  
乃俞之

近體詩

閑居

塵事久相棄  
沉浮皆不知  
牛羊歸古巷  
燕雀遶疎籬  
買



藥經年曬留僧盡日碁唯憂釣魚伴秋水隔波時

遊故王駙馬池亭

花樹杳玲瓏漁舟處處通醉銷羅綺艷香煖芰荷風野  
鳥翻萍綠斜橋印水紅子猷簫管絕誰愛碧鮮濃

送人入蜀

蜀客本多愁今君是勝遊碧藏雲外樹紅露驛邊樓杜  
魄呼名語巴江學字流不知煙雨外何處夢刀州

聽話叢臺

有客新從趙地回自言曾上古叢臺雲遮襄國天邊去  
樹繞漳河地裏來絃管變成山鳥哢綺羅留作野花開  
金輿玉輦無行跡風雨誰知長綠苔

贈友人

鳳城煙靄思偏多曾向劉郎住處過銀燭焰前貪勸酒  
玉簫聲裏已聞歌佳人惜別看嘶馬公子貪情向翠娥  
今日重來門巷改出牆桐樹綠婆娑

贈南嶽僧

曾住衡陽嶽寺邊門開江水與雲連數州城郭藏寒寺  
一片風帆著遠天猿去不離行道處客來皆到卧牀前  
今朝惆悵紅塵裏唯憶閑塘盡日眠

黃陵廟詞

黃陵廟前莎草春黃陵女兒蒨裙新輕舟小楫唱歌去  
水遠山長愁殺人

贈箏妓伍卿

輕輕歿後更無箏玉腕紅紗到伍卿坐客滿筵都不語  
一行哀雁十三聲

劉得仁

得仁貴主之子善五言詩以清瑩稱自開成至大  
中三朝昆弟皆歷貴仕而得仁獨應舉出入文場  
三十年卒無成

晁公武讀書志曰得仁長慶中即以詩名歷舉進  
士不第嘗自述云外族帝皇是中朝親故稀翻令  
浮議者不許九霄飛既歿詩人競爲詩弔之僧栖  
白詩曰忍苦爲詩身到此冰魂雪魄已難招直教

桂子落墳上生得一枝寃始銷

近體詩

宣義亭子

暮色遶高亭南山出竹清夜深斜舫月風定一池星島  
嶼無人跡菰蒲有鶴翎此中休便得何必泛滄溟

樂遊原春望

樂遊原上望望盡帝城春始覺繁華地應無不醉人雲  
開雙闕麗柳映九衢新愛此偏高野閑來竟日頻

遊崔監丞城南別業

門與青山近青山復幾重雪融皇子岸春潤翠微峯地  
有經冬草林無未老松竹寒溪隔寺晴日直聞鐘

題王處士山居

茅堂入谷遠林暗絕無鄰終日有流水經年無到人溪  
雲常欲雨山洞別開春自得仙家術栽松獨養真

冬日題邵公院

無事關多掩陰堦竹拂苔勁風吹雪聚渴鳥啄冰開樹  
向寒山得人從瀑布來終期天目老擎錫逐雲迴

寄春坊顧校書

寧因不得志寂寞本相宜冥目冥心坐花開花落時數  
畦蔬甲出半夢鳥聲移只恐龍樓曉歸山又更違

送友人下第歸覲

君此卜行日高堂應夢歸莫將和氏淚滴著老萊衣岳

雨連河細田禽出來飛到家調膳後吟苦落蟾暉

聽歌

朱檻滿明月美人歌落梅忽驚塵起處疑有鳳飛來一  
曲聽初徹幾年愁暫開東南正雲雨不得見陽臺

和段校書冬夕寄題廬山

名高身未到此恨蓄多時是夕吟因話他年去必隨當  
時廬岳頂半入楚江湄幾處懸崖上千尋瀑布垂鑪峯  
松淅瀝溢浦棹參差日色連湖白鐘聲拂浪遲煙梯綠  
薜荔岳寺步欹危地本饒靈草林曾出祖師石樓霞耀  
壁猿樹鶴分枝細徑縈巖末高窓見海涯嵌空寒更極  
寂寞夜尤思陰谷冰埋木仙田雪覆芝亂泉禪客漱異

跡逸人知蘚室新開竈檉潭未了碁如何遂閒放長得  
任希夷空務漁樵事方無道路悲謝公臺尚在陶令柳  
旋衰塵外難相許人間貴迹遺雖懷丹桂影不忘白雲  
期仁者終攜手今朝預賦詩

悲老宮人

白髮宮娃不解悲滿頭猶自插花枝曾緣玉貌君王寵  
准擬人看似舊時

御定全唐詩錄卷第八十一

御定全唐詩錄卷第八十二

禮部侍郎臣徐倬翰林院侍讀學士臣徐元正奉

旨校刊

項斯

斯字子遷江東人始未爲聞人因以卷謁楊敬之  
楊苦愛之贈詩云幾度見詩詩盡好及觀標格過  
於詩平生不解藏人善到處逢人說項斯未幾詩  
達長安明年擢上第後終丹徒尉

始張水部籍爲律格詩惟朱慶餘親授其旨沿流  
而下有任蕃陳標章孝標司空圖咸及門焉寶曆  
開成之際斯尤爲水部所知故其詩格與之相類

鄭少師薰云項斯逢水部誰道不關情斯留別水  
部詩云省中重拜別兼領故人書已念此行遠不  
應相問疎子城西並宅御水北同渠要取春前到  
乘閒候起居

近體詩

題令狐處士谿居

白髮已過半無心離此溪病嘗山藥徧貧起草堂低爲  
月窓從破因詩壁重泥近來常夜坐寂寞與僧齊

寧州春思

失意離城早邊城任見花初爲斷酒客舊識賣書家寒  
寺稀無雪春風亦有沙思歸頻入夢即路不言賒

蠻家

領得賣珠錢還歸銅柱邊看兒調小象打鼓試新船醉  
後眠神樹耕時語瘴煙不逢寒便老相問莫知年

早春題湖上顧氏新居

近得雲中路門長侵早開到時猶有雪行處已無苔勸  
酒客初醉留茶僧未來每逢晴暖日唯見乞花栽  
門不當官道行人到亦稀故從餐後出多是夜深歸開  
篋收書卷掃牀移臥衣幾時同買宅相近有柴扉

宿胡氏溪亭

獨住水聲裏有亭無熱時客來因月宿牀勢向山移鶴  
睡松枝定螢歸葛葉垂寂寥猶欠伴誰爲報僧知

送華陰隱者

往往到城市得非徵藥錢世人空識面弟子莫知年自  
說能醫死相期更學仙近來移住處毛女舊峯前

落第後寄江南親友

古巷槐陰合愁多晝掩扉獨存過江馬強拂看花衣送  
客心先醉尋僧夜不歸龍鍾易惆悵莫遣寄書稀

小古鏡

字已無人識唯應記鑄年見來深似水攜去重于錢鸞  
翅巢空月菱花徧小天宮中照黃帝曾得化爲仙

邊游

古鎮門前去長安路在東天寒明堠火日晚裂旗風塞

館皆無簞儒裝亦有弓防秋故鄉卒暫喜語音同

夜泊淮陰

夜入楚州煙煙中人未眠望來淮岸盡坐到酒樓前燈  
影半臨水箏聲多在船乘流向東去別此易經年

贈金州姚合使君

爲郎名更重領郡是蹉跎官壁題詩盡倚庭看鶴多城  
池連草澗籬落帶椒坡未覺旗旛貴閑行觸處過

送殷中丞遊邊

話別無長夜燈前聞曙鴉已行難避雪何處合逢花隴  
寺門多閉羌樓酒不賒還須見邊將誰擬靜塵沙

泛谿

谿船泛渺瀰漸覺減炎輝動水花連影逢人鳥背飛溪  
猶見白石涼好換生衣未得多詩句終須隔宿歸

送顧少府

作尉年猶少無辭去路賒漁舟縣前泊山吏日高衙幽  
景臨谿寺秋蟬織杼家行程須過越先醉鏡湖花

華頂道者

仙人掌中住生有上天期已廢燒丹處猶多種杏時養  
龍于淺水寄鶴在高枝得道復無事相逢盡日碁

遊爛柯山

步步出塵氛溪山別是春壇邊時過鶴碁處寂無人訪  
古碑多缺探幽路不真翻疑歸去晚清世累移晨

李處士道院南樓

霜晚復秋殘樓明近遠山滿壺邀我醉一榻爲僧閑樹  
簇孤汀眇帆欹積浪間從容更南望殊欲外人寰

龍州與韓將軍夜會

庭綠草纖纖邊州白露沾別歌綠劍起客淚是愁添見  
月鵲啼樹避風雲滿簾將軍盡樽酒樓上賦星占

送友人下第歸襄陽

失意已春殘歸愁與別難山分關路細江遶夜城寒草  
色連晴坂鼉聲離曉灘差池是秋賦何以暫懷安

和李中丞醉中期王徵君月夜同遊滄水舊居

醉後情俱遠難忘素滄間照花深處月當戶舊時山事

想同清話歡期一破顏風流還愛竹此夜尚思閑

憶朝陽峯前居

每憶閑眠處朝陽最上峯溪僧來自遠林路出無蹤敗  
褐粘苔遍新題出石重霞光侵曙發嵐翠近秋濃健羨  
機能破安危道不逢雪殘雲到閣庭午鶴離松此地虛  
爲別人間久未容何時無一事却去養疎慵

宿山寺

栗葉重重覆翠微黃昏溪上語人稀月明古寺客初到  
風度閑門僧未歸山果經霜多自落水螢穿竹不停飛  
中宵能得幾時睡又被鐘聲催着衣

古扇

昨日裁成奪夏威忽逢秋節便相違寒塵妬盡秦王女  
涼殿恩隨漢主妃似月舊臨紅粉面有風休動麝香衣  
千年蕭瑟關人事莫話當時掩淚歸

舊宮人

自出先皇玉殿中衣裳不更染深紅宮釵折盡垂空鬢  
內扇搖多減半風桃熟亦曾君手賜酒闌猶候妾歌終  
如今還向城邊住御水東流意不通

送宮人入道

願隨仙女董雙成王母前頭作伴行初帶玉冠多悞拜  
欲辭金殿別稱名將敲碧落新齋磬却進昭陽舊賜箏  
旦暮焚香繞壇上步虛猶作按歌聲



長安退將

塞外衝沙損眼明歸來養病住秦京上高樓閣看星坐  
着白衣裳把劍行常說老身思鬪將最悲無力制蕃營  
翠眉紅臉和回鶻惆悵中原不用兵

遙裝夜

卷席貧拋壁下牀且鋪他處對燈光欲行千里從今夜  
猶惜殘春發故鄉蚊蚋已生團扇急衣裳未了剪刀忙  
誰知更有芙蓉浦南去令人愁思長

山行

青櫪林深亦有人一渠流水數家分山當日午回峯影  
草帶泥痕過鹿群蒸茗氣從茅舍出縹絲聲隔竹籬聞

行逢賣藥歸來客不惜相隨入島雲

江村夜泊

日落江路黑前村人語稀幾家深樹裏一火夜漁歸

趙嘏

嘏字承祐山陽人爲詩瞻美多興味杜紫微愛其  
早秋長笛一聲人倚樓句吟嘆不已人因目爲趙  
倚樓會昌三年第進士宰相李回嘗舉薦之大中  
間授渭南尉卒時以其詩有早晚粗酹身事了水  
邊歸去一閒人爲終渭南兆云

古體詩

汾上宴別

雲物如故鄉山川知異路年來未歸客馬上春欲暮一  
樽花下酒殘日水西樹不待管絃終搖鞭背花去

近體詩

越中寺居

遲客疎林下斜溪小艇通野橋連寺月高竹半樓風水  
靜魚吹浪枝閑鳥下空數峯相向綠日夕郡城東

江邊

終日勞車馬江邊欸竹扉殘花春浪濶小酒故人稀戍  
鼓客帆遠津雲夕照微何由兄與弟俱及暮潮歸

曉發

旅行宜早發况復是南歸月影綠山盡鐘聲隔浦微殘

星螢共映落葉鳥驚飛去去渡南渚村深人出稀

東歸道中

未明喚僮僕江上憶殘春風雨落花夜山川驅馬人星  
星一鏡髮草草百年身此日念前事滄洲情更親

旅次商山

役役依山水何曾似問津斷崖如避馬芳樹欲留人日  
夕猿鳥伴古今京洛塵一枝甘已失辜負故園春

虎丘寺贈漁處士

蘭若雲深處前年客重過巖空秋色動水濶夕陽多早  
負江湖志今如鬢髮何唯思閑勝我釣艇在煙波

贈金剛三藏

心法云無住流沙歸復來錫隨山鳥動經附海船回洗  
足柳遮寺坐禪花委苔唯將一童子又欲過天台

洛中逢盧郢石歸覲

不堪俱失意相送出東周緣切倚門戀倍添為客愁春  
山和雪靜寒水帶冰流別後期君處靈原紫閣秋

送權先輩歸覲信安

衣綵獨歸去一枝開更香馬嘶芳草渡門掩百花塘野  
色亭臺晚灘聲枕簟涼小齋松島上重拂讀書牀

自遣

晚樹疎蟬起別愁遠人回首憶滄洲江連故國無窮恨  
日帶殘雲一片秋久客轉諳時態薄多情只共酒淹留

到頭生長煙霞者須向煙霞老始休

寒食遣懷

折柳城邊起暮愁可憐春色獨懷羞傷心正歎人間事  
回首更慚江上鷗鷓鴣聲中寒食酒芙蓉花外夕陽樓  
憑高滿眼送清渭去傍故山山下流

長安秋夕

雲物淒清拂曙流漢家宮闕動高秋殘星幾點雁橫塞  
長笛一聲人倚樓紫艷半開籬菊靜紅衣落盡渚蓮愁  
鱸魚正美不歸去空戴南冠學楚囚

東望

楚江橫在草堂前楊柳洲邊載酒船兩見梨花歸不得

每逢寒食一潛然斜陽映閣山當寺微綠含風樹滿川  
同郡故人攀桂盡把詩吟向次寥天

長安月夜與友生話故山

宅邊秋水浸苔磯日日持竿去不歸楊柳風多潮未落  
蒹葭霜在雁初飛重嘶匹馬吟紅葉却聽疎鐘憶翠微  
今夜秦城滿樓月故人相見一霑衣

憶山陽

家在枚臯舊宅邊竹軒晴與楚波連芰荷香暖垂鞭袖  
楊柳風橫弄笛船城礙十洲煙島路寺臨千頃夕陽川  
可憐時節堪歸去花落猿啼又一年

曲江春望懷江南故人

杜若洲邊人未歸水寒煙暖想柴扉故園何處風吹柳  
一雁南來雪滿衣目極思隨原草遍浪高書到海門稀  
此時愁望情多少萬里春流遶釣磯

早發剡中石城寺

暫息勞生樹色間平明塵事又相關吟辭宿處煙霞古  
心負秋來水石間竹戶半開鐘未絕松枝靜霽鶴初還  
明朝一倍堪惆悵回首塵中見此山

泊螺磯江館

風雪晴來歲欲除孤舟晚下意何如月當軒色湖平後  
雁斷雲聲客起初傍曉管絃何處靜犯寒楊柳遶津疎  
三間茅屋東溪上歸去生涯竹與書

宿楚國寺有懷  
風動衰荷寂寞香斷煙殘月共蒼蒼寒生晚寺波搖壁  
紅隋疎林葉滿牀起雁似驚南浦棹陰雲欲護北樓霜  
江邊松菊荒應盡八月長安夜正長

浙東陪元相公遊雲門寺

松下山前一逕通燭迎千騎滿山紅溪雲乍斂幽巖雨  
曉氣初高大旆風小檻宴花容客醉上方看竹與僧同  
歸來吹盡巖城角路轉高塘亂水東

宛陵寓居上沈大夫

滿耳歌謠滿眼山宛陵城郭翠微間人情已覺春長在  
溪戶仍將水共閒曉色入樓紅靄靄夜聲尋砌碧潺潺

幽雲高鳥俱無事晚伴西峯醉客還

贈李從貴

白馬嘶風何處還鞭梢拂地看南山珠簾捲盡不回首  
春色欲闌休閉關花外鳥歸殘雨暮竹邊人語夕陽閑  
知君舊隱嵩雲下巖桂從今幾更攀

和令狐補闕春日獨遊西街

左掖初辭近侍班馬嘶尋得過街閑映鞭柳色微遮水  
隨步花枝欲礙山暖泛鳥聲來席上醉從詩句落人間  
此時失意哀吟客更覺風流不可攀

寄歸

三年踏盡化衣塵只見長安不見春馬過雪街天未曙

客迷關路淚空頻  
桃花塢接啼猿寺  
野竹亭通畫鷁津  
早晚麤酬身事了  
水邊歸去一閒人

寒食新豐別友人

一百五日家未歸  
新豐雞犬獨依依  
滿樓春色傍人醉  
半夜雨聲前計非  
繚繞溝塍含綠晚  
荒涼樹石向川微  
東風吹淚對花落  
顛顛故交相見稀

送李裴評事

塞垣從事識兵機  
只議平戎不擬歸  
入夜笳聲含白髮  
報秋榆葉落征衣  
城連戰壘黃雲晚  
馬渡寒沙夕照微  
別後不應書斷絕  
滿天霜雪有鴻飛

送盧緘歸揚州

曾向雷塘靜掩扉  
荀家燈火有餘輝  
關河日暮望空極  
楊柳渡頭人獨歸  
隋苑荒臺風裊裊  
灞陵殘夢雨依依  
今年春色還相悞  
爲我江邊謝釣磯

別麻氏

曉哭嗚嗚動四鄰  
於今我作負心人  
出門便作東西水  
回首初驚枕席塵  
滿眼淚珠和語咽  
舊窓風月更誰親  
傷離況值花時節  
從此東風不似春

題橫水驛雙峯院松

故園溪上雪中別  
野館門前雲畔逢  
白髮漸多何自苦  
清陰長在好相容  
迎風幾拂朝天蓋  
帶月猶含度嶺鐘  
更憶葛洪丹井側  
數株臨水欲成龍

長信宮

君恩已盡欲何歸猶有殘香在舞衣自恨身輕不如燕  
春來長繞御簾飛

遣興

讀徹殘書弄水回暮天何處笛聲哀花前獨立無人會  
依舊去年雙燕來

江樓感舊

獨上江樓思眇然月光如水水連天同來翫月人何在  
風景依稀似去年

尋僧

谿戶無人谷鳥飛石橋橫木挂禪衣看雲日暮倚松立

野水亂鳴僧未歸

靈巖寺

館娃宮畔千年寺水濶雲多客到稀聞說春來倍惆悵  
百花深處一僧歸

李侍御歸炭谷山居同宿華嚴寺

家在青山近玉京白雲紅葉滿歸程相逢一宿最高寺  
半夜翠微泉落聲

僧舍

谿上禪關水木間水南山色與僧閑春風盡日無來客  
幽磬一聲高鳥還

宿僧舍

高僧夜滴芙蓉漏遠客窓含楊柳風何處相逢話心地  
月明身在磬聲中

茅山道中

煙樹重重水亂流馬嘶殘雨晚程秋門前便是仙山路  
目送歸鴻不得遊

冷日過驪山

冷日微煙渭水愁翠華宮樹不勝秋霓裳一曲千門鎖  
白盡梨園弟子頭

座上獻元相公

寂寞堂前日又曛陽臺去作不歸雲從來聞說沙吒利  
今日青蛾屬使君

紀事云蝦嘗家于浙西有美姬惑之洎計偕會中元鶴  
林之遊浙帥窺其姬遂奄有之明年蝦及第因以一絕

箴之云云浙帥  
不自安遣歸之

經汾陽舊宅

門前不改舊山河破敵曾經馬伏波今日獨經歌舞地  
古槐疎冷夕陽多

東亭柳

拂水斜煙一萬條幾隨春色倚河橋不知別後誰攀折  
猶自風流勝舞腰

薛能

能字太拙汾州人會昌六年登進士第大中末書  
判中選補整屋尉辟太原陝虢河陽從事李福鎮  
滑州表署觀察判官歷侍御史都官刑部員外郎



福徙西蜀奏以自副咸通中攝嘉州刺史歸朝遷  
主客度支刑部郎中俄刺同州權京兆尹事出帥  
感化入授工部尚書復節度徐州徙忠武廣明元  
年徐軍成澱水經許軍亂遇害能僻於詩日賦一  
章資驚倨佻輕忤物於前人少所推許間稱賈長  
江解詩李青蓮及劉白而下無取也

紀事云薛能從事蜀州日每短諸葛功業厚誣之  
見於詩不一而足其一云流運有功終是擾陰符  
多術得非姦又云陳圖誰許可廟貌我揶揄又云  
焚却蜀書宜不讀武侯無可律吾身後鎮徐州上  
元夜偶作云誰見將軍心似海四更親領萬人遊

自負如此

晁公武曰能晚節惑浮屠法奉之唯謹為藩鎮尤  
易武吏嘗命其子屬橐鞬雅拜新進士或問其故  
曰與渠銷弭災咎云

近體詩

秋夜山中述事

初宵門未掩獨坐對霜空極目故鄉月滿溪寒草風樵  
聲當嶺上僧語在雲中正恨歸期晚蕭蕭聞塞鴻

嘉秦驛

盡室可招魂蠻餘出蜀門電涼隨雨氣江熱傍山根蠶  
月繰絲路農時碌碡村干將磨欲盡無位可酬恩

冬日送僧歸吳中

去掃冬林下閑持未徧經為山低鑿牖容月廣開庭舊  
業雲千里生涯水一瓶還應覓新句看雪倚禪扃

留題

茶興復詩心一甌還一吟壓春甘蔗冷喧雨荔枝深驟  
去無遺恨幽棲已徧尋峨眉不可到高處望千岑

龍門八韻

河浸華夷潤山橫宇宙雄高波萬丈瀉夏禹幾年功川  
迸晴明雨林生旦暮風人看翻進退鳥性斷西東氣逐  
雲歸海聲驅石落空近身毛乍豎當面語難通沸沫歸  
何處盤渦傍此中從來化鬻者攀去路應同

秋夜旅舍寓懷

庭鎖荒蕪獨夜吟西風吹動故山心三秋木落半年客  
滿地月明何處砧漁唱亂沿汀鷺合雁聲寒咽隴雲深  
平生只有松堪對露浥霜欺不受侵

晚春

征東留滯一年年又向軍前遇火前畫出鷁舟宜被袂  
鏤成雞卵有鞦韆澄明野水孤城立狼籍風花落日眠  
賴指清和櫻筍熟不然愁殺暮春天

春日使府寓懷

一想流年百事驚已拋漁父戴塵纓青春背我堂堂去  
白髮欺人故故生道困古來應有分詩傳身後亦何榮

誰言合負清朝力獨抱風騷破鄭聲

春日旅舍書懷

出去歸來旅食人麻衣長帶幾坊塵開門草色朝無客  
落案燈花夜一身貧舍卧多消永日故園鶯老憶殘春  
蹉跎冠冕誰相念二十年中盡苦辛

褒斜道中

十驛褒斜到處慵眼前常似接靈蹤江遙旋入旁來水  
山豁猶藏向後峯鳥徑惡時應立虎畬田閑日自燒松  
行吟却笑公車役夜發星馳半不逢

許州德星亭

漢水南流東有堤堤邊亭是武陵溪槎松配石堪僧坐

蓋杏含春欲鳥啼高樹月生滄海外遠郊山在夕陽西  
頻來不似軍從事只戴紗巾只杖藜

獻僕射相公

清如冰玉重如山百辟嚴趨禮絕攀強寇外聞須破膽  
平人長見盡開顏朝廷有道青春好門館無私白日閑  
致却垂衣更何事幾多詩句定關關

折楊柳

有序

此曲盛傳爲詞者甚衆文人才子各銜其能莫  
不條似舞翬葉如眉翠出口皆然頗爲陳熟能  
專於詩律不愛隨人搜難抉新誓脫常態雖欲  
勿伐知音其舍諸

華清高樹出離宮南陌柔條帶暖風誰見輕陰是良夜  
瀑泉聲畔月明中

洛橋晴影覆江船羌笛秋聲溼塞煙閒想習池公宴罷  
水蒲風絮夕陽天

暖風晴日斷浮埃廢路新條發釣臺處處輕陰可惆悵  
後人攀處古人栽

潭上江邊嫋嫋垂日高風靜絮相隨青樓一樹無人見  
正是女郎眠覺時

和花煙樹九重城夾岸春陰十萬營唯向邊頭不堪望  
一林顛悴少人行

窓外齊垂旭日初樓邊輕好暖風徐遊人莫道我無益

桃李清陰却不如

衆木猶寒獨早青御溝橋畔曲江亭陶家舊日應如此  
一院春條綠繞廳

楊柳詞

暖梳簪朶事登樓因掛垂楊立地愁牽斷綠絲攀不及  
半空懸著玉搔頭

西園高樹後庭根處處尋芳有折痕終憶我遊桃葉舍  
一枝斜映竹籬門

劉白蘇臺總近時當初章句是誰推纖罽舞盡春楊柳  
未有儂家一首詩

自註云劉白二尚書繼爲蘇州刺史後賦楊柳枝  
詞世多傳唱雖有才語但文字太僻宮商不高

吳姬

龍麝熏多骨亦香因經寒食好風光何人畫得天生態  
枕破施朱隔宿妝  
退紅香汗濕輕紗高捲蚊厨獨卧斜嬌淚半垂珠不破  
恨君瞋折後庭花  
畫燭燒蘭暖復迷殿帷深密下銀泥開門欲作侵晨散  
已是明朝日向西  
樓臺重叠滿天雲殷殷鳴鼉世上聞此日楊花初似雪  
女兒絃管弄參軍  
身是三千第一名內家叢裏獨分明芙蓉殿上中元日  
水拍銀盤弄化生

省試夜

白蓮千朶照廊明一片承明雅頌聲更報第三條燭盡  
文昌風景畫難成

寒食日題

美人寒食事春風折盡青青賞盡紅夜半無燈還有睡  
鞦韆懸在月明中

宋氏林亭

地濕莎青雨後天桃花紅近竹林邊行人本是農桑客  
記得春深欲種田

老圃堂

一作曹鄴

邵平瓜地接吾廬穀雨乾時偶自鋤昨日春風欺不在  
就牀吹落讀殘書

影燈夜

偃王燈塔古徐州二十年來樂事休誰見將軍心似海  
四更身領萬人遊  
十萬軍城百萬燈酥油香暖夜如蒸紅妝滿地煙光好  
只恐笙歌引上昇

盪屋官舍新竹

心覺清涼體似吹滿風輕撼葉垂垂無端種在幽閒地  
衆鳥嫌寒鳳未知

開元觀閒遊因及後溪偶成二韻

山屐經過滿徑蹤隔溪遙望夕陽春當時諸葛成何事  
只合終身作卧龍

贈歡娘

八歲善吹笙

一束龍吟細竹枝青蛾擎在掌中吹當初縱使雙成在  
不得如伊是小時

子夜

嫖姚家宴敵吳王子夜歌聲滿畫堂此日相逢眉翠盡  
女真行李乞齋糧

贈韋氏歌人

一曲新聲慘畫堂可能心事憶周郎朝來爲客頻開口  
綻盡桃花幾許香

黃蜀葵

嬌黃新嫩欲留詩盡日含毫有所思記得玉人初病起

道家裝束厭禳時

全唐詩錄卷八十二

二十九

御定全唐詩錄卷第八十二

御定全唐詩錄卷第八十二  
道家裝束厭禳時  
一求謝公喻竹枝青艸地  
中如當似蠟封雙文  
不勝此物長小細  
秋波身更長  
子非  
朝辭白帝彩  
朝辭白帝彩





